

堯

峰

文

鈔

堯峰文鈔卷四

門人侯官林偕編

今體詩一共一百十二首

送人南游

長路應難問君行況及秋不知葭莖外何處泊孤舟
遠樹連雲走
殘潮漾月流可堪南去雁併作客中愁

王授玉讀書張園

羨爾幽栖地迢迢翠靄中山臨茶磨北路繞酒城東
語鳥千聲合
飛泉一道通春來風日好登眺與誰同

題露筋廟

貞女今何處蕭條水殿扉朱顏空想像白鳥尚翻飛
極浦荷花豔
虛庭竹翠稀應嗟楚臺上行雨獨忘歸

河神廟

前代遺靈在森然曳冕旒拜瞻紛估客歌舞禱巫優
賽雨來春社

分風送曉舟文螭如可駕髣髴護安流

送吳處士二首

木落雁南飛秋深每憶歸那堪一尊酒重與故人違
壑戍連平楚江城閉夕暉
縣往來道遙望欲霑衣
故鄉風物好及爾客歸時
芳草蘭陵鎮丹楓太伯祠
海雲盤雀影湖雨長蓴絲
若問生涯事扁舟任所之

送再從姪處默

又向長安別淒然動客愁
秋風吹遠道落日在孤舟
雁逐江煙下潮衝楚樹流
何時更相見與續竹林游

重送處默三首

還家正及石湖秋蘋葉菱花兩岸流
我亦湖邊舊游客欲將歸夢
寄行舟

秋風倚櫂女墳湖好爲秋孃
過酒廬試問門前烏柏樹夕陽猶似

往年無

七月江南陰復晴
儂家種秫近秋成
但教釀事麤能了
我欲歸來荷鋤行

巴州歌二首再送陸知州

滕王亭子與雲齊
千尺朱闌萬仞梯
無那使君登眺處
滿檐山色杜鵑啼

巴女燒畬劍水邊
巴兒醉舞玉山前
琴臺鈴閣清如水
簾外無人訟芋田

送人之越中任

祖帳酒初醒
輕帆不暫停
家山虎丘寺
驛路鮎崎亭
曉日江煙綠
春風海嶠青
行逢朋舊羨
高第在通經

皇帝行幸歌二首

金殿初開鹵簿長
詞臣扈從儼成行
不知玉輦游何處
惟見旌旗

出建章

天壇南望瑞煙多
柳色陰陰接玉河
芳草不生沙路淨
九重法駕日經過

寄贈吳門故人

遙羨風流顧愷之
愛翻新曲覆殘碁
家臨綠水長洲苑
人在青山短簿祠
芳草漸逢歸燕後
落花已過浴蠶時
一春不得陪游賞
苦恨蹉跎滿鬢絲

同洪儀曹暨族兄湘鄉使君飲

望縣分符客清曹
下直郎花辰催緩帶
菜甲佐傳觴
風土近寒食
山川鄰夕陽
相看倍惆悵
明發異行藏

調薛戶部大武

十載雕蟲稍擅名
未曾縛袴學長征
佗時若得登三事
但乞蕭郎

作騎兵

薛朝予云異日我如嚴鄭公女當出我幕下故朝之云云

咏古二首

羽林千騎蹋輕塵
狐兔初肥苑草春
試問茂陵移病後
車前諫獵復何人

仗劍撥丸意氣生
五侯賓客太從橫
不知猶有張公子
日暮人間借姓名

送友人之楚

十載滯長安
那堪旅騎單
家貧輕久客
世難悔微官
夜雨江聲急
秋風蕙草寒
尺書何處達
遙望楚雲端

懷從叔川中

憶自滄江別
秋風淚滿衣
已嗟行路遠
況復寄書稀
雪盡巴流急
雲淡棧樹微
相思如杜宇
長繞錦城飛

贈程五舍人二首

三年旅食厭風霜
初掌絲綸直建章
過嶺梅花鄉夢遠
翻階芍藥

畫吟長承恩祇在金螭側賜對頻依玉几旁故舊彈冠誰最切欲

修書札報惟揚

落句惟揚指王揚州

宮鶯高轉萬年枝才子爲郎退食遲垂袖內家催應制珥貂中監
乞題詩月明寓直趨鸞掖日晚濡毫對鳳池同作金門供奉客馮
唐獨媿鬢如絲

送陳給事之任福建

掖垣風采至尊聞詔領雄藩到海濱藤鳥竹雞曉暮雨蕉花
橘實映斜曛羽書競逐征南府芻粟遙供下瀨軍但使閩江無戰
伐漢廷先論轉輸勳

送蔣給事之任九江

暫辭封事賦南征騎吹讙闐按部行峰壘似屏圍楚塞水流如帶
繞湓城渚邊蘭杜繁離恨江上琵琶感宦情最是庾樓宜夜月且
停清獻一論兵

世祖章皇帝輓詩二首

已致昇平昨兼高孝治名彌留念
文母
皇謂太后昭聖
倉卒託阿衡

寢殿陳龍輔離宮徹翠旌猶傳臯已詔嗚咽走蒼生

南苑停調馬每歲駕幸南海子必累駐蹕數日
東邦罷貢鷹高麗貢車書

方正統弓劍忽遐升玉几嗟空設鑾輿憶舊乘蒼茫哀痛日大誓

復金滕時輔臣率百官誓於大明殿

送王六助教往山西程五舍人往山東是時齋
世祖謚詔

出使也

手奉絲綸出薊丘煌煌幢節引雙騶
南郊共冊天王謚

闕分馳使者郵齊晉祗今稱大國
王人自簪冠諸侯浚山父老

如扶杖為報姬公佐委裘

無題二首

故宮高與碧山齊無數垂楊接御隄
玉輦不來花落盡
瞭鷹臺上

鳥空嘯

新甃湯泉咽不流
繚垣敲側壑棠
秋月明淡鎖長生殿
夜半無人誓女牛

寄訊西山隱者

高士荷鋤處
迢迢西澗中
不知夜來雨
藥苗生幾叢
鳥道挂斜照
樵歌陵便風
問君灌園下
登眺復誰同

春夜望月

客居如空山
風物澹欲絕
返照既已收
餘靄旋明滅
冷冷水下泉
了了松間雪
相對寂無言
禪心與初月

賦得宮人入道二首

翻因薄命愛長生
羽氅雲冠再拜行
曾被玉皇教按曲
忽隨金母學吹笙
顏逢鍊液重疑豔
身為持齋轉覺輕
從此幽栖如野雀
萬年枝上月空明

自乞天恩下玉墀
宮中女伴鎮相思
羞題紅葉傳塵世
願守丹爐事本師
垂手只攜襖斗訣
點唇初習步虛詞
此生無復昭陽寤
猶為君王夜祝釐

罷官後攜三女南歸三首

嬌女由來字蕙芳
解牽衣袂學扶牀
逢人也說還家好
菘菜青青橘子黃

紅蓼花殘稻穗低
緯蕭苓箸滿村溪
且隨漁父攜家去
一曲吳歌笠澤西

鷓鴣纔鳴雁又飛
已拋艾綬製荷衣
出門即是還山路
底事游人不肯歸

揚州懷古禱詩四首

水調歌殘翠黛消
幾枝煙柳曳寒潮
隋家何限傷心事
第一休過廿四橋

豔骨香冤怨月明荒村賸有玉鉤名春風吹遍青青草直到雷塘
不斷生

水殿花飛杜宇愁木蘭亭下咽寒流無人更唱安公子紅蓼青蒲
兩岸秋

瓊花摧折玉鉤荒后土夫人寤雨長惟有田家逢社火競吹笙笛
近韋郎

過江距廣陵三十里值暮雨

天陰生暝寒旅舍傷寂寞微雨江上來江村杏花落燕歸柳塘社
漁返瓜洲郭何處遠鐘聲孤舟空早泊

曉發

舟人不知寒解纜陵清曙隱隱月墮水翻翻烏繞樹煙連甓社生
潮入蕪城去一任孤颿行沿流向何處

讀楊廉夫竹枝詞擬作四首

春雨春風太作顛
桃花結子柳飛棉
小娃十五猶愁思
那得吳孃不化煙

家住橫塘倚畫樓
望郎遙隔百花洲
何時得作橫塘水
滙入洲中一處流

兩兩吳娃結束同
競呼畫舫趁東風
白堤名御墓花如雪
春在蜂黃蝶粉中

虎丘寺西春水長
郎船簫管出山塘
勸郎莫上真孃墓
阿孃元是狹邪倡

由虎山橋入朱墓邨

新柳條垂著水齊
畫船行傍虎山堤
卷簾漸覺香風入
一路梅花到崦西

送許竹隱之任思州四首

斑馬錦障泥
經行桂嶺西
楓人逢雨長
木客傷雲唳
土俗三湘接

山川百粵齊烏鬢迎早蓋一一繞龍谿
一官何足問迢遰瘴江濱人習媿隅俗禽號格磔春金蠶爭事蠱
銅鼓共祈神為報諸君長于今漢法新
憶昔慈仁寺相逢盡酒狂故人推大令才子數高陽語笑松壇暝
招攜柳陌長邗堪回首處三載各蒼茫
故國兵戈滿長途雨雪滋當予去官日值爾遠行時芳艸投書渚
叢篁鼓瑟祠好從登眺處遙為寄相思

題藏佛寺

此寺何年構荒臺倚翠微花殘鹿女去松偃雀雛飛香積餘煙在
禪燈舊焰稀祇應江色好水月共凝暉

虎嘍寓廬四首

并序

予自罷歸以家貧售故居於人寓身虎嘍有破屋數間荒徑一區
比於僧寮逆旅其地蓋割張氏園居三之一也未及葺治會左官

北上時時懸念於懷舟中無事遂為此咏傳之好事

竹徑

繇枝煙外綠新籜雨中斑恐有肩輿客柴扉晝不關

梅隴

寒梅欲吐香陰雨如相忌昨夜月明多踈籬花發未

菜畦

葉綠蟲生翳花黃蝶引羣西山晴氣爽抱瓮敢辭勤

豆架

涼颿繞架飛子老白花稀莫即除霜蔓寒蛸正脫衣

舟次有客攜媛赴北予聞其聲誌感

孤媛何自至入夜最淒然心逐巴江樹形羈楚客船遠邨雲外火
極浦雨中煙愁絕唳聲急殘鐙不可眠

咏雀

賦質何微細，卑栖自不辭。
引雛啣短穗，趁侶上枯枝。
叢薄寒煙靜，茅檐夕照遲。
此生堪止息，未用徙天池。

咏雁

念爾南飛志，寧將燕雀同。
相呼葭外羣，飽稻梁中天。
濶頻趨暖，秋高卻趁風。
羽毛非不健，儻遇弋人弓。

寄劉丈二首

水郭山邨處處春，櫻鞵藤杖自由身。
頻持般若經中偈，常作者英社裏人。

宰官何異在家僧，遙念南邨舊日朋。
女嫁男婚都已了，好來對禮佛前燈。

送人南還

垂楊綠未齊，千里惜分攜。
雁去榆關北，人歸笠澤西。
潮平芳芷短，風落夕陽低。
到日逢修禊，蘭亭續舊題。

聞計孺子殤寄甫草二首

筆冢纍纍硯欲穿每將文字苦雕鐫著書也被天公惱不使童烏

與汝

名御

帶草侵堦樹拂簷架中零落舊牙籤謝孃他日聯新句更有何人

唱撒鹽

甫草有女曾許于亾男衛

拈花頌呈聖禪師二首

默然相向寶蓮臺觸處天花爛熳開翻怪世尊多事極無端拈出一枝來

饒伊拈出總無干平地戈矛起禍端畢竟瞿曇元未徹至今箇箇被瞞頂

送聖禪師遊五臺二首

翻然如野雀矯首忽西行花雨諸峯暝松風六月清往來非有相登眺不論程欲識文殊竟微茫磬一聲

見說心無繫悠悠道路間雲歸獅子窟日落雁門關洗盃承飛瀑
尋鐘蹋亂山宰官方惜別杖履幾時還

計甫草至寓齋二首

門巷何蕭索惟君步屨頻青雲樂故舊白首尚風塵身受才名誤
交從患難真耦耕知未遂相顧倍傷神

聽話頻年况悽然淚不禁歲荒生事儉世難客愁澁孝友安時命
文章損道心五侯空好士歎息少知音

和李退翁侍郎讀水經注憶洞庭之作用原韻

曾持使節遠揚舲落木層波共杳冥澤畔有人哀郢客雲中何處
降湘靈雨過斑竹千叢綠潮落芳蘭兩岸青回首舊遊今阻絕不
堪宋莫對遺經

漫興

凡是烏皮杖是藤十年身計百無能飄零已作風中顆痴鈍真如

凍後蠅愛着龐家居士服擬參慈氏法王鐙回思少日空豪俊
紺犬呼鷹上五陵

贈南員外家歌兒二首

南員外渭人

聞道秦箏最有名秦兒玉雪可憐生自從偷得江南曲不愛伊涼
隊裏聲

洞簫一曲共關情白髮吳儂感慨生記得虎丘明月夜劍池側畔
按歌聲

出西僂門至豐臺

東風又見一回新偶趁鶯聲上輓輪芳艸綠于南浦水桃花紅似
去年人幾家籬落雞催午十畝陂塘燕蹴塵檀板金尊隨地好不
須料理欲歸身

送周提學

白頭郎吏出燕京遙指青徐擁憶行池面雨過芹菜長壇前春暖

杏花明濟南自昔多名士魯國何人似兩生早晚東封須頌記看
君起草侯霓旌

章含可畫冊四首

孤塔峙斜陽遙邨隱芳樹彷彿石湖秋支印茶磨喫
繫艇菰蘆中漁父眇何在任爾行人呼得魚亦不賣
斑竹繞層岡紫蘭被芳渚宋莫黃陵間無人弔堯女
門外槿籬斜東風吹柳花微聞漉春酒好是隱君家

離宮怨二首

淡鎖宮門歲月遙玉顏狼籍黛痕消如何輦路垂楊柳猶向東風
鬪舞腰

經年無復翠華來歌譜雖存已倦開學得霓裳渾忘却鈿箏班管
兩塵埃

漫興三首

襪幘叩門何可耐
嗥號繞戶若為聽
眼前俗物敗人意
拄頰且望西山青

纍纍簿書堆滿案
紛紛胥吏立盈前
痴兒不了公家事
但乞旬休企脚眠

東華塵土浩濛濛
願借糟丘慰旅窮
勸汝莫槌車壁歎
一杯濁酒勝三公

夜坐襟感二首

蕭蕭夜雨打窻時
酒冷香殘夢覺遲
往日風流都減盡
只慙猶未遣楊枝

十載郎潛事業非
夢中猶戀舊漁磯
銅駝陌上秋風起
不為鱸魚也合歸

送錢武子南還二首

桃花時節綠波長
便逐輕舸返故鄉
次第江南風物好
鱈魚出水

笋梢牆

華亭谷中好山水上策無如荷耒耕不然樣却吳淞棹網鰕撈蝦
餞此生

河亭五首

公勇招客與貽上周量子
端同賦孟夏前三日也

綠波如縠柳如絲取次鶯殘燕乳時怪底老夫心事惡當筵催賦
遣春詩

一路輕陰護酒家酒旗低亞曲中花不知門外何年少柘彈斑駁
問狹邪

下馬來傾白玉壺醉中容吐錦茵無主人大是丹青手乞取旗亭
賭酒圖公勇故善畫

一曲新歌阿鵲鹽折花都作酒籌拈柳條無賴知儂意也挽春雲
宿畫檐是日天陰不雨

去年郊園折紅藥今年河亭攀綠楊歲歲春風相觸撥老夫那減

少年狂

題王十一畫冊二首

數點彤雲向晚收
梅花和月蘸寒流
淡山風味佳如許
合付蘭橈與竹兜

閒臨承旨筆端春
吳下風流最可人
大似鷗波亭子外
柳花漠漠水粼粼

題鄆陵梁曰緝江邨讀書圖四首

約取春江入畫圖
亂紅殘絮擁菰蒲
鄆陵野色平於掌
也有江南此景無

門前花發柳毵毵
若箇能停載酒驂
哲次齋中無一事
焚香親校

貝多函

曰緝博通佛經

一自吳儂別釣磯
久將痴骨裹朝衣
妒他花鴨春江上
日唳芹花自在飛

衆鶯吹波上綠蘋
恰逢三月石湖春
期君共蕩雙蘭槳
茶磨山前
結比鄰

再閱江邨圖不勝歸與之感得詩二首

綠暗紅蕪邨路長
如聞杏粥麥餠香
今年又負歸耕約
却為丹青憶草堂

浩渺滄波漫翠微
漁菴樵隴兩依稀
先生尚念江南樂
那得吳儂不夢歸

題與也畫二首

蛛絲煤尾比琳瑯
待詔丹青少抗行
今見耳孫揮綵筆
風流回憶玉蘭堂

君家道韞擅才華
愛寫徐郎沒骨花
曾向兒時窺指訣
筆端桃萼

一枝斜與也有從姑名淑字端容
嫁趙氏以善畫花鳥得名

題襍畫三首

最好春光冷節前小桃初弄一溪煙隔籬獨子迎人吠定是鄰翁
掠社錢

淡秋風物數江鄉楓葉蘆花正着霜未放歸舟先一笑畫圖喜見
石湖莊

漁父臨流卷釣絲恰逢渡口雁栖時月明忘却風波惡獨叩船舷
歌竹枝

題畫松

山腰長松接山麓何人構屋相因依鶴雀忽來雲冉冉鱗鬣欲動
煙霏霏厚粘艾納數重綠潛結伏靈三尺肥愛爾盤枝如屈鐵不
隨凡木爭春暉

見貽上題江邨圖愛其江鳥江花之句以詩識之二首

曾向澂江漾酒船舊游回首故依然衰中攜得郎官筆重寫江南
上巳篇

彷彿春江綠樹陰
幾回展卷幾沉吟
江南於汝關何事
賦得愁心爾許淡

康熙辛未三月廿五日
林佶錄於荔水莊

堯峯文鈔卷四終

堯峯文鈔卷五

門人侯官林佶編

今體詩二 共一百一十二首

贈劉吏部

門前軒騎宋無聞
下直條然坐夕曛
竹竈煮泉風謾謾
墨池飄絮雪紛紛
千年漢鼎瓜皮色
百番唐箋魚子紋
除却焚香賦詩外
可容好事訪揚雲

題武曾灌園圖五首

白柄長鑿手自攜
露葵霜齷滿秋畦
時時小摘共親膳
也勝茅容度半雞

雨過籬落土膏肥
嫫綠叢生隙地稀
不用園官供菜把
渾家摘得滿筐歸

菜畦新熟歲將除
老圃安閒樂有餘
擬配香杭須底物
一年佳味是冬菹

謝却東華輓土塵，
竭來江畔鬪閒身。
閉門鋤菜英雄事，
不信菰蘆有此人。

經營擬作漢陰人，
笑汝家徒四壁貧。
何不具舟淞水上，
秋風隨意采絲蓴。

龔孝升先生席上和杜子美秦州襍詩韻各二首送董御

史之任隴右

得莽莽萬重山東
柯好崖谷二詩

此地一分手，
啟隘坂谷間。
朔風吹隴水，
戍火散秦關。
直道寧辭黜，
孤踪不易還。
道旁風雪甚，
恐損逐臣顏。

未盡一尊酒，
息背雁羣西。
征方絕塞北，
望祇浮雲羗。
翟風煙別，
燕秦道路分。
好留封事草，
萬一至尊聞。

先是董以地震求言嘗
上疏極論時政故云

題獨雀亭圖四首

倒檜枯杉侵澗壑，
小紅踈翠點柴荆。
獨來倚杖看山色，
一朵蓮花潑眼明。

擬共幽禽占白雲
玉泉瑤草隔塵氛
平生解笑天隨子
但養能言鴨一羣

月中松露墜無聲
誰伴閒吟永夜清
自是長身古君子
與君能締歲寒盟

華山山人不在山
雀聲淒切望君還
青鞵布襪且歸去
對獻蒼松錦石間

題襍畫二首

碧花紅穗及秋晴
無數寒荃趯趯行
借問爾曹緣底事
西風也作不平鳴
風吹黃葉影淒淒
金井霜濃月漸西
不見朝陽舊時鳳
夜闌惟有乳烏啼

汶上晤宗人交臣

相見忽驚喜
相邀意更真
須臾俱老大
簿領各風塵
魯酒不辭薄

吳歌寧厭頻盤飡兼語笑差慰倦游人

汶上入田氏園賞芍藥與同宗諸兄弟飲二首

塵中驅馬已十日急雨顛風不可當不信南來好天氣徑容闌入藥欄旁

無數名花壓徑開暫攜濁酒為花來帽檐敲側艫船覆始信吳儂爾許猷

題凶室袁宜人小像三首

露重霜濃蕙草枯夢中相見亦模糊鏡臺脂合都無了留得梁家舉案圖

宦情家計兩茫然白盡頭鬚劇可憐使汝今年猶健在定應相勸賦歸田

春風一十一回新惟見丹青舊日真聞却從前畫眉手教渠捉筆向何人

再題灌園圖冊二首

家鄰長水上隙地作平田紺甲和泥迸黃圍繞架懸鋤時新趁雨
汲處舊瀦泉若著山居稿先將蔬譜傳

陸種青菘水種芹也須竹石兩三分小園位置廳能了我便輕舟
一詣君

東歸道中三首

鴨鷓聲中雨似絲昏昏鄉思苦難支棟花風起歸舟急要趁黃魚
上箸時

望見家山一抹青淡煙初日漾江汀先生纔了還鄉夢已報輕颿
過御亭

醉翻餘瀝浣征衣喜向風塵暫息機多少春明退朝客十年曾有
幾人歸

送北客二首

金陵店中美酒多南人北人共經過南人愛聽女兒曲北人愛唱
甘州歌

甘州一曲襍雲和下馬勸君雙叵羅歌聲未了弦聲絕上馬催君
北渡河

湖上竹枝詞二首

郎船繫在湖干樹逆風打頭那可開與郎相望不相見恰似湖中
大小雷

湖中白浪如雪堆長年換柁聲喧趁逆風打頭會儂意吹得郎船
却倒回

到京師再題曰緝哲次齋圖二首

點染煙羸久擅場至今珍重貯巾箱笑君未辨雙荷葉合付寧馨
擊筆郎

棊几藤牀寄興賒每披橫卷翫煙霞平生長物元無幾配我徐熙

落墨花

子彙中撰
有墨菊卷

曰緝和予請告詩至因次韻荅之

謬忝朝參幾歲華漫推文賦麗雲霞

先生有海內文章之句故云

不才悔起郎

官草垂老羞攀杜曲花松菊尚存堪閉戶江湖無恙且浮家應同
摩詰空諸有示疾聊將衆眼遮

筠兒書來云料理草堂麤竟因借前韻賦此寄之兼簡曰緝
矮屋頽垣了不華馮將曲折貯煙霞須扶醉日移來竹急護分前
接過花但剪蓬蒿開客徑莫驅鵝鴨入鄰家歸來夢斷長安道輒
土生塵一任遮

題小像三首

身在紛紛擾擾場暫歸來炷影前香老蠶作繭真難脫羸得霜髭
爾許長

建禮門前輓土紅幾回聯騎蹋春風而今卸却朝衫後同舍何人

記此翁

久與支公結淨因
分明偶見宰官身
何時并寫痴兒女
都作無生話裏人

留詩奉送曰緝歸鄆陵三次前韻

一疏言歸達翠華

是時上方巡獵

上翻然漱石飲流霞
卷中書繞江村屋

門外山連嶽寺花
枯坐却宜居士服
清齋真似太常家
御亭北望遙相憶
惆悵寒雲極目遮

齊河道中二首

行客踰修嶺居人傷古原
棗林桑泊地土屋版橋村
千里戍煙斷五更馱鐸
誰白頭歸計切雨雪敢停
轆月黑雞纔唱肩輿爾許
忙息息酬旅飯細細檢行
裝久客諳長道衰年怯早
霜淮暝知不遠極目興飛揚

繆家集

時聞盜警

獨樹敲沙岸，疏簾向水涯。
輪䟽南北道，煙火兩三家。
風急塵難靜，天寒日易斜。
健兒方賣劍，行旅莫咨嗟。

將到潯野有作

殘雪初融小艇輕，喜聞乾鵲引雛聲。
宦遊不耐羊腸惡，歸去寧煩馬角生。
予欲歸已久，諸士大夫莫之信，故有此句。京國久淹身，欲暮家山初見眼。
差明

倍消結習忘機事，鷗鳥相逢莫漫驚。

抵家再次前韻

歸到柴門接歲華，數聲鳥雀噪殘霞。
欄前迸土穿階藥，屋角橫檐覆地花。
衰白不堪循短髮，團圞何意見全家。
里人若訊先生號，只署頭銜是玉遮。
先是予自號玉遮山人。

襍興六首

有感即作語不詮次

車聲日夜鬪鞦韆，染盡長安大道塵。
輸與繩牀籃輦穩，不知何苦作勞薪。

一棹歸來未是遲
正逢江上早春時
柴門莫道都無事
酒熟花香恰要詩

東風吹雨浥輕塵
又逼條桑嫁杏晨
手把一鋤肩一笠
老來真作太平人

肺病經年強自持
閒居風味欠人知
鉢心擢腎俱難事
只役鶯花入小詩

芒屨迢迢杖斑斑
隨意山邨水郭間
判却去官兼謝客
乘除偷得十分閒

誰家惡少語聲謹
牢柱雙扉塞短垣
老子元無君輩客
不須哆口恣瀾翻

咏懷二首

年年客路薊門西
何幸歸來守故栖
文字只如木有瘿
功名都是絮沾泥
籬東照眼花千本
壟上關心雨一犁
老去襟期如此足
不

須騎馬聽朝雞

海鷗遠逝雀高翔從此羸將願力償已遣掃除新藥徑別教檢點
舊巾箱欲移小樹多芟竹恐碍前山短著墻更有耗磨衰景處往
來頻在贊公房

過西園

松路榛門接細岑水清石瘦却幽尋潛龍尚有為霖勢倦鳥初無
擇木心聊借閒身供歎傲略扶病腳試登臨遠公儻置蓮花社不
敢攢眉向法林

興福塘

樣棹春溪上尋幽歷數邨縱橫芳草陌高下夕陽門社後雞豚減
花時薺麥絲野翁頭已白未識市塵謹

自雞窠嶺至天池

又踰前嶺去幽勝轉難窮灌木嗥搏黍清池聚活東人煙深竹裏

樵徑綠蕪中吾欲歌招隱須營地一弓

雞窠嶺自嘲二首

蘿蔓每穿松腹出葛花都絡石根生行吟纔到山溪處已作吳牛望月聲

絕無驚菟與栖禽怪石峻峻亂瀑深仕宦險巖嘗未飽更於此地試登臨

庭中綠萼梅始花二首是時春已半矣

雄蜂雌蝶不勝猜雪壓霜欺緩緩開本與春風相間濶今年偏作杏花媒

黃鶯出谷燕差池猶有殘葩一兩枝煙柳露桃皆後進偶然相值艷陽時

寄曰緝

女蠶初浴燕歸時乞得身閒技未遲花徑蓬門春晚晚紙窗竹屋

雨淒其病餘每倚過着杖老去猶題漫興詩似此風流相憶否一
緘粗報故人知

遲日緝至

叢竹初生笋絲花漸委苔故人敦宿諾倘命一舟來書札能先報
柴荆合暫開傳呼小兒女斟酌醖春醅

危坐

野蜨飛飛澗草香綠陰隙處射殘陽不妨危坐籠雙手偷看營巢
海燕忙

舟過鴨腳浜

柳外鶯雛弄好音暫牽畫舫入溪陰棟花欲放黃魚美穀雨纔晴
綠樹淡才少不堪文字飲興酣那惜短長吟麥秋時節須行樂已
分功名付陸沉

偶買一舟賦此

收得膠膠撥撥身
苓箬簑笠五湖濱
羞為問舍求田計
擬作浮家汎宅人
梅子雨過煙幕幕
蘋花風起水鱗鱗
晚來棹棹村南北
自繪銀刀煮綠蓴

納涼二首

衡門兩版揜松風
葵扇桃笙偃仰中
就與劉孫相濶絕
不過令我

不三公
科頭企腳向斜陽
畦豆盆花細細香
畫省才名拋擲盡
劣能消受北窗涼

漫興

小徑踈籬苦未淡
蛙喧雀鬧巧相侵
絕無小小周防策
真有沾沾自喜心
竹簟暑風欹枕卧
柴門月色杖藜吟
平生識字嗟能幾
可要侯芭載酒尋

游陽山禱咏四首

大石

土垣竄鼯鼠石像蒙荆棘欲覓連句詩殘碑無隻字

伯與吳文定

公聯句刻石為俗僧所毀

龍湫

一泓何黝淡遊人每動色所恐龍子驚風雷飛白日

晉柏

修柯不知年疑有鬼神守至今龍蟠處蒼文尚左紐

岳園

岳名岱字東伯嘉靖間隱居於此其園脩竹萬挺春時生笋甲吳下

數易荒園主泉枯竹已花居人談舊事猶指隱君家

題佛印燒豬圖為子瞻解嘲二首

慙愧闍黎用意烹老饕差覺愜平生菜邊肉食真禪味何似他時

玉糝羹

任罨柴頭火候前坐中談笑各欣然也知不少鹽和醬肯羨諸方

五味禪

歲暮襍咏十二首

俠少場中氣最雄而今飄泊等秋蓬
一雙種菜持螯手懶拓藍田
數石弓

瓦上新霜點點斑籬門落木接溪灣
試擡頭向西南望剛露支硎
半角山

一兩柴車一釣輪往還多在五湖瀕
平生骨相元寒乞領取頭銜
是散人

乞得殘骸歲月叟藥鑪茶灶鎮常清
少年婚娶中年宦一笑明明
是隔生

紛紛好事屢回車繞徑蓬蒿數尺餘
莫道杜門真左計要將菜飯
了殘書

叢叢蘭蕙方抽萼淡淡茶梅漸著花
春色不隨年歲例破寒先到

野人家

柏葉麻稽繞戶新曆頭計日又逢春無才間邵毛錐子賸寫桃符
釀比鄰

朔吹將闌凍霧開春前風味亦悠哉韭芽菘甲參差發蝦虎鮆魚
次第來

里俗紛紛須餽歲官符續續要輸倉先生也揆梅花信恰與兒曹
一例忙

老懶情懷病廢踪故應瑾戶與支邛如何又被無生悞賺入山僧
保社中

燒燭初開守歲筵眼中兒女笑相牽乃翁不合時宜甚猶撚殘鬚
酌篋邊

風流怕作數名客文字羞為賣菜傭環海九州如許大只愁無處
著渠儂

予於茗華書屋後葺一小閣子居之

泥壁苦茅了悠然燕寢中夢應游蠟穴幻似入鶯籠髮几容雙肘
苔除受半弓猶慙病居士丈室出神通

出游二首

紫萼黃英雨後滋先生行飯步遲遲盡拈花藥供詩料何異兒曹
鬪草時

芳菲照眼遽如許魚鳥親人亦自佳老子於此興不淺急營桐帽
雙椽鞵

支硎

正直采蘭辰停撓十字津岸花紛似繡隄草輒於茵瓦狗泥車市
湔帚障褰人相逢不相識隨意各嬉春

楊鐵崖有嬉春詩

春寒

鳩語太息息春寒惱病翁透支梅子雨橫卷柳條風遣興詩猶作

禁愁酒欲中客嘲多不計羸覺勝揚雄

病中示客二首

曲脚繩牀木養和終朝示病似維摩殺風景事君知否剛到花時
伏枕多

愛靜每因調息慣得閑兼學鍊形忙漫苓一例都捐却免與庸醫
試故方

卧起

細雨生寒恰及旬疏簾曲几病中身每游栩栩遠境長學悠悠
忽忽人小鳥窺檐疑熟識繡花委地似橫陳杜門善用平生短消
受餘閒又一春

病後游慧慶寺二首

布穀文嗆雨乍晴病身旋覺袷衣輕得閒何處消清晝惟向街南
古寺行

宋宋精藍晝不開
隔籬飛蝶鎮徘徊
醅芍藥
息息了猶有山丹
待我來

漫興二首

三月柴門氣味幽
夕陽澹澹亂雲收
飛來社燕方泥屋
移得山花半結樓
客到暫籠鉏菜手
詩成微掉墊巾頭
唾壺談麈捐除盡
免使人疑第一流

十九年中歎數奇
此身合與退休宜
浮沉自慣東西陌
來往誰堪大小兒
老作齊民差有術
病看周易本非痴
縱令骨出霜髭茁
也勝京塵撲馬時

花下招客二首

成團胡蝶繞芳菲
籬落春淡客到稀
但使故人能叩戶
不愁羅雀要驚飛

賴有名花取次開
暫扶藤杖立蒼苔
雖然不識揚雄字
也望門前

好事來

仲夏即事

衣裁白紵扇裁紈又見黃梅雨候闌長日好懷惟得白暮年上策
是休官交頭瘦竹從容拄遮眼殘書約略看塵世窮愁真細事不
令輕易入眉端

暑睡甚美覺而咏之

北窗寂寂寄幽蹤黃鳥無聲綠樹濃已分新詩輕萬戶更判美睡
敵千鍾蒲葵越葛麤宜暑笛簟胡牀穩稱慵自幸暮年諳此味故
應忘却夕陽春

有客

有客是羊求從容竟日留清羹嘗馬齒珍味剥雞頭小飲聊相對
名御言必互醞晚涼殊快意未可賦悲秋

雨中秋葵

候至苞齊拂寒多色漸淡兼旬陰雨裏孤却向陽心

蝶

蛻出翩翩影鬚拳粉未勻直饒能速化也是夢中身

淵明

先生洵是無懷民籃輿往返潯江瀕不知黃菊有何好但訝白社
無此人雅琴寂寂每挂壁破瓢黯黯惟栖塵風流如許不可作歎
息南山山色春

讀宋人詩五首

夔州句法杳難攀再見涪翁與後山留得紫微圖派在更誰參透

少陵關

唱得吳歛迴不同石湖別自擅宗風楊尤果與齊名否如此論量

恐未公

詩印頻提教外傳入魔入佛總超然放翁已得着山髓不解誠齋

學謫僊

後邨傲睨四靈間尚與前賢隔一關若向中原整旗鼓堂堂端合讓遺山

一辦香歸玉局翁風流羨與少陵同平生不拾江西唾枉被勾牽入社中

題捉筆圖小像二首

墨池清泚硯山蒼獨擁深衣倚隱囊牛螳任渠牀下鬪先生只是著書忙

東塗西抹偶然間得失妍媸等是閑文冢不妨隨地築讓他兒輩占名山

又題曳杖圖二首

不著淡衣不裹巾衰年自要齒齊民蠶經禾譜裴池了揀箇山邨置此身

不學長生與苦空一丘一壑偶然中丹青未必能神似更著新詩
寫病翁

康熙辛未四月九日舟泊建州城下錄

堯峯文鈔卷五終

堯峯文鈔卷六

門人侯官林佶編

今體詩三 共一百十四首

茗華書屋閒居二首

無才甘與世相忘，塞向支扉亦不妨。
茶沸竹爐盈杓水，煙橫瓦鼎一銖香。
簾旌脫落栖寒雀，窗帟分明透夕陽。
若問些些貧活計，應終日據繩牀。

點點霜華兩鬢齊，敢如枯木望生梯。
生涯冷澹三間屋，食料酸寒百瓮齋。
書為怕臨難諱拙，碁緣慵算不辭低。
尋春賴得身猶健，屐齒重沾雪後泥。

飲寒香齋

法魚糖蟹最鮮新，合打頭盤不記巡。
持耳執杯君莫畏，可能常作獨醒人。

茗華書屋前種梅花四首

和煙和月漸離披成就幽居一段奇桃杏本為妖豔客不令闌入

竹笆籬

宋人小說桃為妖豔客

草未生芽柳未勻一枝橫向短垣新不須援取孤山例但愛梅花便可人

東風吹雪點蒼苔喜見南枝滿意開似共幽人有瓜葛隔簾頻送暗香來

籬落曾無駐屐人獨攜濁酒醉花神柘盤草草誰相共吾與梅花送主賓

自訟四首

經術何如諳吏事宦游不及守躬耕從前鑄鐵都成錯猶自高談誑後生

樗蒲錦背元人畫金粟箋裝宋版書長物些些捐不得謾言結習已銷除

戲擔赧土泥茶竈閒引清泉滌硯池未得修行半分力此生垂老
尚兒癡

酒闌每覺閒情在病退仍嫌妄想頻枉是杜門勤學道雲藍小袞

又任身

是歲子
生兩男

紅梅

故換風流時世妝施朱裹錦艷斜陽司花大有神通在似試吳兒
木石腸

贈貓

火點雙瞳黍染毫紛紛竊齧敢誇豪但伸四腳青氈上已勝牀頭
卻鼠刀

書屋襍興二首

去官娛晚境屏迹謝芳時愛狎形神影羞評竹肉絲古落侵石磴
細雨漲盆池縱使清狂在狂名拔勝癡

長物元無幾從容位置間
瓜皮鑪色綠蕉葉硯文斑
敲枕聊支倦攤書小破間
丁寧兒女徧家事勿相關

與諸生步西虹橋入鏡水積善二菴

花辰得快晴散策出柴荆
港斷呼舟度邨淡繚岸行
迎人籬下犬留客柳間鶯
一笑分僧供茶甘筍味清

料理餅中襍花二首

風日不能妨春生几硯旁
羣芳都在眼先惜杏花場
東取最繁枝枝顏色好
惟覺小桃薦退渠似房老

寄都門故人二首

一病麤令宿業輕藤牀竹枕
揜柴衡故人都在雲霄上
誰倩征鴻訪死生

泉石中間一把茆偶營寢舍
結書巢山王自是無音問
未必嵇生愛絕交

跋友人法書竟賦此

絳撮宗淳化唐臨似右軍猊頭園鼎款蛇蚶衲琴紋援証寧辭僻
摩挲未厭勤欣然銷永日勝策立朝勳

排悶偶成

愛移松桂刈榛菅飽受餘生一味閒文字敢承唐宋後命辰猶值
斗牛間子命主在廿二度宦情冷澹甘三黜丹訣荒唐憶九還蚤晚麤令
衣食足僂攜家具老淡山

古今五服考異成志感

經術愁迂濶文章悔琢磨從游非籍湜願學是丘軻隱几淡湛慣
明鐙誦習多此生真旦暮不朽計如何

偶成二首

無名何必更逃名洗竹澆花分外清吾我周旋今已久只應揮手
遣書生

自分文窮學復窮判無翽籍共磨礪何郎殘客吾羞對傳語應門
五尺童

荅曰緝書重訂來春見訪之約

一自寬銷青綺門屢煩書札寓殷勤此身所幸猶強健或可明年
復見君

得壑鳧湖蟹具饌作

淡秋風物好小婦職砧刀肥脆麤宜臠尖團薄帶糟長腰供輒飯
短水具新醪却人釀酒以未負傻傻腹摩挲老興豪

元旦作二首

尺一迢迢達五湖老羸扶杖各歡呼賜脯蠲貸尋常事今歲民田
予半租

旌旗獵獵騎連連異姓諸王入覲年莫以象犀充貢篚 聖人方

講旅獒篇是口猶未聞邊警也

何人識此翁二首

或卓鳩頭杖或揮塵尾柄何人識此翁是凡還是聖
偶作行吟聲吟成不勝慨何人識此翁詩外有事在

感物四首

燕麥頗翩翩馬蘭亦嬌姹小草劇可憐寄人籬落下
古木附陵苕敗垣縈薜荔物類喜攀援孤立良非易
鳩聲卜雨暘鼃聲占旱潦蠢哉之二蟲自謂知天道
楂楂爭鵲謹紛紛鬪螳聚所得能幾何賈勇乃如許

光福鎮

春寒布穀嗥散步向邨隄雨過泉聲急煙凝柳色低湖魚論斗換
壑葦滿筐提稍待楊梅熟挈舟入崦西

冒雨自相城至四涇

極望水悠悠炊煙逐水流鳧鷖爭喜雨荷芰最宜秋繞岸修殘壩

當門繫小舟此中營卜築何啻似汾渥

為蘭兒作

涉世嗟予老成人念女難笑唬俱嫵媚牽把鎮盤桓冒雨擎荷蓋
尋花開藥欄嬌癡無不可微遣暮懷寬

卧病

涼風颯颯雨霏霏旋葺南榮堦北扉槁木死灰蛛宋莫前塵昨寢
故依稀嬾緣服鳥占凶吉恥與尸蟲校是非柳子厚有蒲倚帟衾
罵尸蟲文俱好在且容形影暫相依

僂道過雁湖奉訪甫草先生於學山草堂率爾賦呈三首聊

發一笑并求屬和

谿流凡數轉始得到君家香稻連畦暗疏楊護岸斜邨淡紛紛織
湖近足魚蝦穉子來看客相隨笑語譁

樣楫入柴荆兒曹識姓名何妨供小摘未可殺能鳴壑蔓鉤衣亂

谿風惹袂清時艱身老大暫此慰平生

生事五湖瀕終年穩寄身種瓜分子母時藥記君臣文筆老逾健
交情澹愛真願攜農父具來作耦耕人

贈陳均寧十二韻

羨君婁水曲栖止愜平生戶外晴波合窗中遠岫紫女蘿牽翠密

人柳弄陰輕臺為巢雲迥泉緣洗藥清藝蔬頻按譜選石各鐫評

逸興烏皮几清齋雉尾羹倡醕偕德曜均寧內子善詩著述繼康成均寧為鄭

舉人士敬高第句向尊前覓經從席上橫生涯餘釣具心事託棊枰遺世

身難老韜才物不爭耽書元雅癖佞佛亦高情他日遺民傳懸知

獨擅名均寧方輯吳中逸民故實作傳贊

咏堯峰二首

久厭浮名夢幻同竭來卜築亂雲中戴顓何點堪為例從此諸峯

屬鈍翁

道逢壅翁霜滿顛問渠帝力都茫然老夫住世十小劫猶記唐家
丙子年

初置山莊二首

蟲絲冉冉冑秋槐室有煙煤徑有苔幸得好山當四面不妨牽脚
老夫來

縛帚旋除蛛網淨插籬每護藥苗新老夫到老不曉事能幾何時
作主人

咏山莊二首

水北山南地漁樵竝結鄰歲時仍漢臘風土是堯民怪石苔侵面
長松薜裏身不因村舍僻何以謝甌塵

茅茨傍墓田見者或疑僊身在人間世家依小有天劉雲科果樹
燒葉試松泉猶恨歸來晚行歌是暮年

鷺公與筠兒步月有作率爾繼之

微微月上層松頂習習風生遠岫間夜色許佳猶易辦料應欠汝
兩人閑

料理麤畢因置几硯於齋中

埽除一室作行窩挈腳科頭樂事多盆竹數竿微罨藹硯山三寸
小陂陀談名御稍稍揮如意娛疾時時藉養和媮得少閑差似可不
憂歲月易蹉跎

上官有行縣查予名號者究其事則風馬牛也戲賦二絕

長官飛檄走荒邨謹沸青山與白雲謝客棄官堪併案不妨法吏
用澗文

曾浣蓬萊侍從班十年姓氏墮塵寰而今別授山人號管領堯峯
一抹山

九月八日漫興

山中楓柏繞茅茨邨北邨南屣步遲生也有涯差自得歲云將暮

復何之逢迎風日醞新候揆借壺觴慰故知雞白蟹黃滋味美不
須鹽豉煮蓴絲

游鍊虛邨中女真院三首

泠泠飛瀑繞瓊階丹頂仙禽啄碧苔無數桃花齊著子三千年賺
歲星來

蘸水朱扉盡日關藥壚拋在亂雲間袖中自有安期棗煮得胡麻

也是閑

女冠有辟穀
啖棗者故云

身緣酌酒惱諸真流落人間已一塵縱使年年守都廁也應同是
謫僊人

贈鳳巢及禪師

結巢層石上絕似鳥窩禪每撒懸崖手頻垂入室拳熟收檐角豆
清淪澗心泉若問誅茅日迢迢不記年

襍詩四首

淒淒颯颯雨兼風
松障雲屏衛病翁
不問牀頭鬪牛螿
一秋割據睡鄉中

田間蝗蝻最紛紛
獨幸安閑守白雲
糠覈菜根皆帝力
老夫一飯敢忘君

鬢毛老去渾嫌短
肺病秋來稍覺蘇
未至妨人作樂否
堆盤湖蟹配松鱸

老柳枯蒲覆綠池
夕陽淡處望多時
此心已是忘機了
只恐沙鷗未備知

連陰

今日少天氣連陰
欲破白鷗姑呼雨
急極舅受霜新
松塵空頻捉柴車
懶更巾拍浮無不可
判此倦游身

間行四首

門前山色迴蒼蒼
松鬣成陰躑躅芳
欲索解人那可得
自支桃竹

立斜陽

飯罷欣然捫腹行
午煙纔斷晚嵐生
莫欺老眼眵昏甚
每到看山倍覺明

褐裘布帽自由身
不羨東華輭土塵
麟閣縱然多隙地
幾曾畫箇杖藜人

寥落荒谿接故臺
藤輿竹杖日裴回
市無鹽酪邨無酒
不愛看山不到來

予為諸生時嘗與方宜黃君相識
今幾三十年矣昨忽以兩絕句見示
獎許過當謹和原韻寄上

敢與巢由作等倫
偶然乞得未衰身
瓜疇穀壟隨時了
保社中間一細民

絕少風流傳異日
每多吟眺入新詩
城中好事能來否
恰值持螯斫鱸時

咏山中雲二首

皺於波縠淡於煙一片亭亭遠岫邊不信剛從膚寸合少焉便障夕陽天

遙逐龍公上下馳怪渠猶自作霖遲虛空都被糊塗了只在紛紛出岫時

籬邊種雜花樹

移植纔三尺何時始作林土鬆空細雨候暖藉輕陰著莖常嫌晚行根特取淡鄰兒多薄劣剪伐莫相侵

皆山閣

竟日不出戶馮高興自長谿山供畫本煙靄潤琴牀藥草烹為饌松肪爇作香兒童報奇事鄰筍欲梢墻

再贈道者

清都故有名浪迹到江城瀕倩山君守符令社鬼驚籜冠三寸小

羽斃數銖輕聞說游諸嶽飛行不計程

乏酒

嫋嫋竹君穿短徑亭亭石丈俛蒼苔溪山文舊俱無恙惟欠尊前
麴秀才

閑游

山靜水悠悠經行每小留檐牙唬布穀籬腳蔓牽牛澹澹墟煙直
濛濛社雨收誰言少天氣禊事正堪脩

出游書所見

絕憐春澹沲更羨日舒長谿畔橫青幟籬陰露茁裳賣餠頻弛擔
采菌每盈筐又是祈蠶日鄰翁社事忙

書所見

已見詔書蠲舊負又聞奏劄緩新征家家擊鼓賽蠶麥不識長官
何姓名

邨路

邨路三义禩茅檐數尺低蒲陶纔上架護草已掀泥岡勢趨平地
泉聲落廢隄病餘無一事隨意策枯藜

比屋

比屋是農家桑榆數里斜歲功占社日雨候卜朝霞伐竹緣編苗
渚泉為漚麻齊民書未熟老去發長嗟

小隱

蹤跡聊將小隱同堯峰側畔即墻東素心託寄煙雲外習氣銷磨
卷帙中漸廢歌緣老疾久疏絲竹為期功予二年之中凡遇期
服一大小功各二
故交都是山王比歎息無人記此翁

稻熟

恰直西風稻熟天肥雞新燒巨螯鮮長官又罷銷圩冊最好吳人
快活年

戲遣二首

閑居何以養衰疲，麥作饑饉菜作糜。若待賜金供會飲，百年未有乞身時。

苦茅架竹最艱難，三尺低檐一尺欄。儘著墊巾猶有礙，可能容汝切雲冠。

看梅禱詩四首

杖柯老幹上莓苔，花信風從雪後來。擬挈鄰翁相就飲，安排且放五分開。

打瓦翻盆夜半聲，幽人孤負愛花情。梅花與雨何嫌怨，願向東皇乞使晴。

刺眼繇華惱病翁，未妨排日醉春風。異時莫葬陶家側，溝洫細梅萬樹中。

屨迹山邨是一奇，斬新梅萼裹邨扉。任渠親故曠疏濶，不到花殘

不合歸

邨居十四首有小序

予居胡巷頗久其地在堯峰之麓隨所見輒為絕句皆實錄也以代竹枝辭可爾

風色微暄日影疏倉庚戴勝迭相呼數家桑柳垂垂接寫出幽風小樣圖

社酒甘酸社肉肥醉歸爭向道旁嬉一翁迂徑山邨下獨避前谿略約危

柴門半掩綠楊新門外呼聲聽未真出見兒郎謹繞擔分明寒食賣餠人

水痕高與柳腰齊鳩婦晨呼鷺夜唳昨雨不逢雌甲子怱怱脩壩築新堤

家家門戶燕泥新恰直頭蠶上簇晨滿樹緋桃飄落盡棟花榆莢

占殘春

疊嶂回崖數里環松林櫟隗夕陽間居人分住雲南北不是樵蘇
不往還

一拐扶身兩鬢星紙標略畫卦中形邨人不識義文課競指渠儂
打瓦靈

誰家小婦出邨行紅綠衫襦倍覺明信手野花隨意插百般嬌詫
可憐生

嵯岬怪石卧雲煙次第堪將甲乙鐫贏得太湖為下乘一邨邪許

每謹然

向以太湖石為貴
今則俱尚堯峯矣

終年開館開比鄰握齒邨儒據案頻纒識租牛券中字也將詩句
苦撩人

屋腳寒蔬帶雨香不妨采擷作羹嘗出泥菜菔專車大闌路蕪菁
過邨長

雪飛密密復䟽䟽坳凸高低一例鋪天與雲山都不辨直疑身世
在冰壺

田家餽歲徧比鄰節物雖微意倍真糗餌粉餐殊膩輒烏澁白芋
各鮮新

有舟可釣有車巾比歲栖遲宋莫瀕不必苦將名氏換往來物色
斷無人

縱筆二首

春風乍暄春晝長不游醉鄉即睡鄉任渠訪我已仙去鼻息雷鳴
投石牀

六書未講聲與形但將俗筆臨黃庭自分胸中無一字如何敢錄
良常銘

重葺山莊作

竹屋茅檐亦快哉中間位置出新裁結籬欲限鄰雞入甃徑愁妨

好客來旋瀘石泉供茗飲豫培桐樹作琴材暮年自笑忙如許一
半童心未肯灰

過蕉龕

禪栖岑寂林丘高挂芒屨政好休移得蕉花侵徑長洗殘菜葉
繞谿流衰遲我作辭巢燕精進君參露地牛望望刹竿知不遠縱
無新社亦來游

再過女真院

側對青山面綠谿七星幡矗畫橋西桃花依舊千千樹勾引劉郎
不遣迷

谿上

故交無復欵柴荆冷落碁奩與酒鎗昨夜雨過谿水漲一羣鷗鳥
獨尋盟

梅花與桃李竝開有感二首

悤悤又過禁煙晨枝北依然點綴春物論競趨紅紫艷此花真箇
作陳人

一枝冷澹映斜陽欲與繇花竝鬪香桃李不言惟解笑都忘渠是
丈人行

邨居襍興四首

虛名逐宦游俳語耽文賦負負無可言儒冠解相誤
堯山幾疊屏秀色如五老中有厖眉人僊曹屢書考
苦費造畢羅槐芽下冷淘便便五經腹久矣謝腥臊
肉芝肥似掌石髓美如漿自分僊緣熟今年定得嘗

歸田

試將朝市技林泉得失分明莫悵然吏牒何如書繞架官衫未勝
褐褻繇蠖雛侍立當胥史榆莢飛來算俸錢若使宦游身便老也
應追悔不歸田

寶雲泉

仰滴懸崖俛蔭松
每生雲氣接諸峯
一泓淥淨無三尺
誰信中間有伏龍

康熙辛未四月望日錄於柘城林佶識

堯峯文鈔卷六終

堯峯文鈔卷七

門人侯官林佶編

今體詩四共一百十九首

出游

布襪青鞵策最良不嬉里社即邨莊
差無婚嫁終年累似有山林
一日長減去藥囊知老健勾除酒戶為醒狂
醪醑芍藥春無恙且與游
蠶巧鬪忙

對酒二首

泡影由來是此身可堪重蹋軟紅塵
上書羞學妄男子對酒愛呼
中聖人落到醪醑春去盡
號殘鴨鳩雨來頻不妨攪入雞豚社
暫作耕田鑿井民

莫向尊前話昔游不成歡笑只應愁
宦途厄似黃楊閏年鬢衰如
白草秋寮舊姓名疏易忘貴人書札
懶難修惟逢漉酒持螯日
差比時賢勝一籌

晚涼

足跣頭科萬事空羲皇以上略相同礎根漸潤先占雨雲腳纔生
欲釀風白蛺蝶栖芳草畔紅蜻蜓戲藕花中晚涼滋味能專享莫
怪吳兒忌此翁

秋夜

蕭蕭涼候至新雨間新晴月作彎弓側河當射角明水螢光不定
林鳥意多驚行坐貪清夜中單漸覺輕

晚望

握手從容步屨遲夕陽影裏望移時峯攢怪怪竒竒石松偃高高
下下枝禪悅幸逢鄰衲印名銜羞遣壑人知明朝準踐登臨約澗
碧山紅恰及期

柴場邨

樵徑緣山麓人煙面夕陽覆檐茅代瓦度水木為梁架上豆花紫

墻隅柿實黃卜居當世世最優守農桑

期與昭茲出游近邨會風雨不果二首

是時距立
冬僅三日

數里松筠刺空碧千章楓柏著霜明暮年十事九敗意恰欲杖藜
風雨生

剛儲游具作閑游底事天公苦見讐
破除秋

督墳丁芟松下草

穉松千本僅生枝力課滋培敢遣遲
見無時

草堂偶成三首

積水穿苔徑橫林對草堂綠蕉偏耐雨烏桕故空霜
精思別置牀
閑中有忙事
試茗撥殘香

數揜疏籬市三間小築寬藥欄扶鬼白

即玉

土竈養神丹喜蠟登

山履慵彈挂壁冠勿嫌貧復病賸覺此心安

差科方擾擾逢火更悠悠有地堪薶骨無天可寄愁桑榆身事晚

楓柳物華秋何限行吟景湘纍惜未收子已卜壽歲故有第三句

甜羹二首羹禱菘菜芋魁菜蕪薯蕷為之不入鹽醯其法自東坡始也

自向溪山理食經不須苦羨五侯鯖小篋家釀厚如酪爛煮畦蔬

甜似飴

澹泊中間意味長也知火候要端詳書生例是酸寒甚乞與甜羹

一點膏

皆山閣夜坐寄懷聖禪師

燭花成燼篆煙微枯坐藤牀擁褐衣世態慣看翻手易塵勞深覺

到頭非杜門憔悴蝸粘壁涉境憂危鳥觸機賴有城東香火社益

囊鞬備合歸依

山中藥盡而病未已悵然賦此

黃葉如衰面清霜映短穎三彭差易制二豎固難砭宋宋收雲帙
淡淡下荻簾蔓苓都不屬太息與貧兼

風雨二首

濛濛小雨逐風斜倍遣幽人惜物華悶默病蟬常抱葉伶俚孤蜨
欲辭花輕黃草變籬根色媿綠苔凝壁罅芽何事最關情緒切數
宵無月挂檐牙

歎息堂堂歲月移況逢風雨復淒其無情木葉辭叢薄多事蓬蒿
拄敗籬累減故應參柏子興闌先解放楊枝子去冬已嫁一妾中年哀樂
消磨竟一任兒曹取次知

雨後微寒因過鄰曲有作

漸倒荒籬籬初謹比舍春蟲蠅俱削迹蠶蜨小留蹤亂瀑分千派
竒雲歛數峯鄰翁疏闊甚一笑暫過從

七年前與曰緝公勇貽上周量相集京師如豐臺西河沿皆

偕諸子所習游者也病中追賦二絕

芍藥陂前賣酒家曾聯車騎醉春華誰知老向空山裏猶寤豐臺
十里花

病懷衰骨兩支吾記得年時卧酒盧借問河邊板牘柳也應顛顛
似人無

屢得王十一書賦此寄荅

久矣孤蹤與俗妨敢煩簡札問行藏新篘酒熟聊長醉舊讀書殘
已健忘泉石清妍供渠几煙霞璀璨溢巾箱吳儂勝事君知否手
植茶梅漸漸長

山中襍興四首

月暈風欲起雲斑霜旋濃五行書未熟占候問邨農
雞寒每上距牛怒輒礪角一物一性情閑中試商略
葉落先萎黃萍枯先黥紫衰至固有端人生亦爾爾

蝦能幻蜻蛉，蟲亦蛻胡蝶。問君孰尸之，變化爾許捷。

病中蒙元禮見訪堯峯，且示詩藁一編，賦此奉贈。

判無佳客款柴關，嵇阮風流寤想間。只擬曳裾游上國，敢期問字到空山。短檠聊與支良夜，妙語真堪發病顏。慙愧幽栖多簡略，栝

盤草草暫相扳。

元禮自中州歸，今將再往，故有第三句。

夜雨

宋宋守山邨幽懷，莫更論防媮。宇設棘，畏虎蚤關門。時傳有樹繞風聲，鷹檐闕月影昏。夜闌判不寐，敲枕聽翻盆。

家人具精粢有感二首

炊徹香杭白，似霜家人先餽老。饕嘗五經貯，腹元無用未若捐。除作飯囊。

偶將軟飯沃甜羹，舌本甘芳鼻觀清。但使明年身未死，餘生決計委躬耕。

朱買臣讀書臺二首

山中習氣未全除，便逐嚴徐廁殿廬。
一語能令英主喜，不知所讀定何書。

任渠兒女笑迂儒，束擔朝朝挾故書。
未必年來無此客，何人物色到樵漁。

露坐

蟋蟀初鳴熠燿飛，與君露坐啓柴扉。
月天朗，風姨靜，斗覺微涼透袷衣。

看梅二首

門前積雪侵凍苔，十枝五枝犯寒開。
老人未肯殺風景，且學雀窠花開來。

忍寒谿北邨西頭，夜深猶為梅花留。
笑殺雄雉雌蜺，緋桃開時方出游。

江上

江上人家近草堂，強扶衰病步斜陽。
晴波似鴨深沉綠，初柳如鵝淺淡黃。
谿友園公聊結社，旗亭酒肆暫逢場。
年來世事諳都盡，不問靈氛亦不妨。

春晴出游

日澹雲輕旋作晴，偶來山脚訪柴荆。
鷲窟倉卒衝人過，吠犬回旋尾客行。
高下亂峯當戶繞，零丁危約向谿橫。
蚤知一卷農書是，悔不從前買犢耕。

漫興四首

徧游里社與僧坊，醉墨敲斜襟老蒼。
慎勿署銜前進士，比來誰重甲科郎。

蒲柳先秋已覺殘，嬾隨北轍走微官。
慈仁松樹香山雪，畫作屏風枕上看。

索居自分老山邨倉卒今逢客款門區處盤飧無異味桑蟻竹肉
當雞豚

偶沾薄祿入風塵竟絆浮名阻隱淪萬事思量都是錯他生莫見
宰官身

徐步

凭箇邨童代短藜偶然徐步畫橋西斜陽已是無多了惟有歸禽
稱意唳

子以家事屬兩妾且作治命數百言示之感而賦此

薄宦無成負 聖時餘生猶悔乞骸遲功名已讓羣兒立門戶要
須健婦持酒美易禁尊畔態藥靈難換鏡中絲不妨抽取閑身出
昏嫁都忘自一奇

春晚

竹萌鮮煖蕨芽肥漸覺窮愁解半園日澹花房開復歛風輕燕羽

止還飛重尋故篋修紈扇急理新機換袷衣鄰交偶然邀野步從
容直到夕陽歸

東軒遣興

谿長路復重軒騎絕過從久向空山裏全家占一峯瀑聲穿澗小
花氣覆檐濃自分衰遲極為農近亦慵

雨

高柳參差間古槐綠陰淡處鷓鴣哀東山一段雲如墨散作廉纖
小雨來

述山居禠事二首

逸興老逾長終朝檢校忙與花經地界代筍設垣墻窗為看山徹
符因調水藏呼童理荒蕨淨訖旋移牀

小關蒿間徑寬編竹下藩束荆筍酒子貸粟飯雞孫花盡游蓬減
林淡宿鳥謹本無騶騎到不是杜柴門

留客

黃齋白飯午炊遲佳客淹留坐少時戲蝶翩翩排闥過鳴鳩馴熟
映檐闕語闌復理言前義局罷重翻敗後碁歲月只須如此了任
渠穉子笑翁癡

卧病山中蒙愚山先生見投茶箋佳咏王貽上梅耦長兩君
子皆已屬和諷咏之餘足當七發未能趨候先寄三首

社後槍旗入籠新馮君少乞敬亭春比來消渴母相訝身是江南
水厄人

正屬朱櫻綠筍天好鑽槐火試松泉掉頭紗帽風流甚冒著薑鹽
一例煎

莫信諸僮比酪漿解清午夢響詩腸竹鑪石鈿晴雲盃不是幽人
未合嘗

歷數

歷數幽棲事依然習氣長種瓜侵螻堙丸藥攘蠶糧舞愛花翻纈
聲耽鳥弄簧自慙還自笑恰與道相妨

遣意二首

藥鑪丹竈冷於冰換骨神方未有徵獨羨淮南僊術就提攜雞犬
亦飛昇

潦水初清木葉衰寥天一抹雁飛來緋桃緗李千千樹不遇春風
不敢開

次韻石門吳孟舉種菜四首

相國何如園父尊天逵雲路不須捫空山大有人處但了殘書
咬菜根

細雨隨風整復斜矮黃嬈白屢生芽花間蚨蝶曾為蠹葉底羸牛
別字瓜

籬腳霜莖肥可把架頭風蔓老堪捫斜陽行菜若龐了大好讀書

秋樹根

滿徑黃花翠葉斜
官容蕭艾濫萌芽
蔓菁蘆葍甜於蜜
不要園官屢送瓜

松江吳六一丈出王子勤中所繪芍藥黃鶯索題走筆五絕

句

山家臺榭向來寬
何限名花壓藥欄
馮仗黃鸝鬪媚好
官教容易落金丸

朱朱白白兩參差
賸許唬鶯占一枝
從此梅花書屋裏
四時多作

豔陽時

六一家有梅花書屋即著公微君故居也

昨日穠華轉眼空
斜陽隱隱見賓鴻
誰知菊倒楓凋後
收拾餘春在卷中

揮毫恰遇賞心時
愛寫脩翎與折枝
記取風流似摩詰
畫中真有五言詩

步障回廊映綵霞不知紅豔發誰家
鈍翁已分蓬蒿老喜展丹青
見此花

出游諸邨往往抵暮始返

或升兒子或輕舫數里湖山宵憚遙
呼我不妨頻應馬逢人何敢
遽稱貓花繇愛白僧房乞酒熟欣從
里社招屈指餘生知有幾笑
言聊復永今朝

送送甫草北上二首

輕颿眇眇背冥鴻去泊枯蘆折葦中
老病恐無相見日為君雙淚
洒西風

京華故舊比何如倩爾行人候起居
身拔嵇康今更嬾不曾有與
巨源書

聞甫草凶問予既為位以哭明日作四絕句寓哀

從來才譽冠羣倫骨相誰知晚最屯
太息東南風土薄江湖不復

有斯人

臯復難招已逝，寬祇留書札。數行存文情，最與時賢別。敢惜麻衣，慟寢門。

生別何如死別悲，可堪宗莫屋重帷。淚痕點點衰翁血，不為窮文斷不垂。

學識雖長命不長，誰司造物迴茫茫。有人解叩通明殿，願附青詞問玉皇。

客有規予入山者賦荅二首

竟攜農具止山坳，保社中間締暮交。哀樂有情那易免，時方哭南草勳

名無福不妨拋。圍碁舊勢心慵記，丹藥新方手健鈔。莎徑萁門殊

宗莫判將名白受人嘲。

山中風味頗蕭然，羞說先朝執戟年。煙笠雨蓑窮活計，藥鑪茶

臼病神仙檐前只曝堯。時日曾次頻憂杞，國天但使時清身老健。

此生甘共細民編

今宵

饕風號北牖快雪壓前檐病久詩材退狂多酒力添
藝殘香獸小煨熟芋鴟甜飽煖關心切今宵樂事兼

東軒二首

甚矣吾衰也終年愛養疴山深當菟窟屋小抵雞窠
嬾架拋書久塵牀卧筆多文殊不可作誰與問維摩

階草方爭茁鉗梅乍就薦忍窮差省事養拙但隨緣
美睡支藤几閑游借竹籟家人挑野齋晚飯最欣然

客至

快雪初晴後過從有素文食盤登菜果飲具列陶匏
硯沼微融凍盆花漸吐苞知君多道氣名御白不相嘲

風雨二首

鳩聲未了鶯聲譁
澗澗風逐雨斜
掀屋卷茆吾不惜
但祈風伯赦梅花

泥潦連邨阻客行
祇應簾閣杜柴荆
天公似厭詩人闕
壞盡梅花始遣晴

老友既庭暨王子咸中連許過予山莊

湖山數曲接橫塘
聞有嘉賓款草堂
穉子倘能供灑埽
小妻猶足任排當
三升黍酒傾香碧
一寸蔬芽翦嫫黃
明月滿庭花滿徑
為君隨意設繩牀

僧恭密乞竹影菴主詩

叢篁百尺繞煙扉
中有山僧結伴依
恠石寒泉充淨供
竹鍼麻綫補禪衣
巾將華鬘從容縮
拂借青松左右揮
何日得隨都講後
白椎時節乞御機

送友人之官京師

老去淡嗟會面稀
況逢鷓首指京畿
綠楊芳草漸爭發
紫燕伯勞相背飛
殿上香煙濃惹裊
道旁輭土暝侵衣
太平事業須公等
留取衰翁守釣磯

桃李

緋桃穠李各輕盈
漸逐東風弄晚晴
慎勿嫌渠俗到骨
賣花儋上正施行

漫興二首

富貴由來泡影虛
幸辭香土乞閑居
衰池故院無名畫
傳寫前賢未刺書
蔥齷作科分畛域
李梅成列覆庭除
直饒金紫銀青好
未似先生樂有餘

姓名不復挂塵寰
分與羣賢絕往還
種菜議租苟舍地
設扉圖對隔谿山
訪求丹藥緣身病
撫榻黃庭賴手閑
怕作熱官真爛熟
故應長物屋三間

過亾兒筠箐菴二首

入門無復整衣迎
亭面荒涼半就傾
篁竹生孫梅結子
傷心怕到箐菴行

空亭依舊枕方池
畫障雲屏不復施
嗟汝壯年猶至此
老人媮息幾何時

東鄰小飲

江岸春無限
鄰家路不迂
招攜緣社肉
拱揖有邨儒
花柳資吟嘯
衣冠入畫圖
暮歸猶老健
茗芋不須扶

一春

凡百俱如昨
惟增鬢髮斑
養疴須小忍
作活要常慳
屋角籠嘉樹
墻隅出亂山
幽栖了無事
飽享一春閑

有餽筍者戲作

日午柴門猶未開
怕逢俗客侵蒼苔
今朝謁入迥然喜
殆為此君

之子來

願得二首

林間布穀一聲鳴
桑圃陰陰麥壟平
願得世為鄉有秩
綠袍皂蓋勸春耕

一邨姓氏比朱陳
努力耕桑不患貧
願得與渠輪社戶
共攜簫鼓樂田神

王勤中歲寒圖為尚上人題二首

瘦骨蒼髯覆佛龕
仰陵霜霰俛煙嵐
問誰曾見開山日
惟有孤松是老參

一枝和月照寒潭
絕少幽人曳策掇
夜半暗香禪榻畔
不妨僂白鼻端參

感事四首

聞道征南將羣推
頗牧良旌旗昏白晝
歌吹沸斜陽少府持
籌急

中權運策長 王師無戰陳坐見井鼃凶

日者凶門鑿於今未奏功嗾烏栖幕上巢燕乳林中芻牧三方徧
征徭萬國同 廟堂頻旰食何以慰 宸衷

稍見饑鷹附猶聞躍馬爭荆襄空守險秦越又徵兵燐火明荒草
妖狐歎廢城遺黎俱野哭回首憶昇平

太白猶芒角天心詎可知輿僮皆仕宦保社漸流移反側情難測
誅求力不支病身方忍死願見凱旋時

好事

好事如君少山齋乃爾幽異書踰萬卷名帖半雙鈎石向湖中得
香從海外收眼前無俗物一笑暫淹留

姑蘇楊柳枝詞十首

江干楊柳拂行舟多少離人淚未收不向胥臺高處望何因知有
曲中愁

臘盡寒威尚未銷
淺黃輕碧影迢迢
迢費他煙雨知何限
只替東風染柳條

梅花狼籍杏花香
別有長條拂水長
幸得免當來往路
任和煙雨罩鴛央

搖曳長條覆廣津
分明畫出渡頭春
倩誰夏落徐熙墨
添箇春江喚渡人

露華濃 衰曉寒多
細葉青青蘸綠波
馬上有人看不厭
擬媮新樣入雙蛾

一番風信過江城
無數長條折又生
記取春陰好時節
粥香餠白近清明

池塘三月柳陰成
纔透斜陽幾點明
枝上黃鸝身不露
好風忽送兩三聲

望中煙樹繞層樓
少婦馮欄思不休
悔不從前種桃李
免教容易

觸離愁

白玉堂前發數枝
妝成每自下階墀
中庭不是無花看
獨為清陰立少時

漠漠飛花嫋嫋枝
朦朧煙日最相宜
南朝張緒今衰老
都把風流遜與伊

後楊柳枝詞七首

又見春光上柳梢
一春常並酒旗搖
年年牽惹游人思
都在紅欄四百橋

雪後花前濯濯新
兒曹折敢嫌頻
祇愁來歲風情減
輸與曾披霍斃人

緣隄竝岸最嬋娟
不帶東風也帶煙
看葉似顰腰似軟
故應常背百花眠

層層綠漾晴空欲
鬪淡紅與淺紅
待得小桃多著子
也將飛絮

嫁東風

花落鶯啼水寺前
那堪柔柳更生絲
行人到此休輕折
留取清陰覆畫船

亞字城西萬萬行
翠翥緗帶背時妝
風流要是無人識
自對東風舞一場

樹色依依冷食天
幾多繡轂錦連錢
分明显少日游僊
夢魚藻池頭水閣前

晚歸山莊

遙望堯山路輕舟
向草堂雞聲小聚
落樹色古陂塘一
水生寒霧諸峯障
夕陽偶然乘興往
未暇計行藏

晴日出游近邨

雨後秋光迥未殘
竹扛兜子恣游般
邨邨妥雪蕎花白
樹樹蒸霞柿葉丹
贖借禽魚供逸興
儘驅詩酒佐清歡
寄聲為報知交道
挂

了塵冠不用彈

康熙辛未四月廿五日桐廬道中錄併校林信識
堯峯文鈔卷七終

堯峯文鈔卷八

門人候官林佶編

今體詩五 共一百三十二首

和嚴武伯水花詩為許青浮賦

百卉俱未拆
水花獨燦然
艷當殘雪後
寒占蚤梅前
不信朔風力
能攘東帝權
晨曦行可待
猶騁片時妍

對桃花作二首

名御鳥差池紫蝶
新夕陽低映
小園春桃花
未必迷來路
直是無人

解問津

偶然乞得數株栽
便有飛英點綠苔
應笑蟠桃太遲鈍
千年方見一花開

出游

披衣擬問向山程
乾鵲飛來作意鳴
身欲游時仍老健
花當發後恰晴明
家人豫整琴書待
童子先操几杖行
社酒正清餈粥美
可

能寂莫守柴荆

山中游僊詩四十首

有小序

詩家小游僊此白樂天所云九奏中新音八珍中異味也今予所作又與唐宋以來者小異蓋欲極文字之變以示山林之樂爾姑妄言之姑妄聽之可也

門前澗壑上虛空畫斷塵凡迥不通除是施符兼賣藥偶然身到市廛中

茅屋三間不染塵松風蘿月獨相親空山不要閑錢使點得黃金別贈人

黃精巨勝繞谿生服食多年骨漸輕只恐嫌疑干殺戒杞根如犬不教烹

端坐繩牀理篆烟擬箋易卦未終篇擲柘畫水兒嬉事棄置神通五百年

要插金貂侍玉宸暫從福地養閑身人間宰相成何事卻誤盧郎
隔兩塵

只種琪花采玉芝此身久矣遣三尸生年甲子都忘了略記羲皇
畫卦時

自是僊都降謫身偶來遊戲了前因牧豬牽犬皆容易怕作天邊
守廁人

攜得丹壚與藥函獨尋洞府占嶄巖上清錄上書名氏羞受山中
宰相銜

芭蕉滴露竹凝煙曉氣激清物態妍手拂案頭名御玉硯明窗點甚
洞靈篇

欲求丹藥固形神每為無師未得真滿坐談名御堪一笑只應傭客
是奇人

從來巖洞隔塵氛誰共談名御入夜分鬻取琪花瀝雲液擬飛折東

約茅君

凡有陰符鼎有丹降真一炷儘盤桓山君代守林間杏社鬼分供
醮處壇

洞中花藥四時栽牢鎖重扉不遣開為是玉桃方著子直須防有
歲星來

肉芝火棗未為珍難侑流霞一醖春傳語麻姑眉相憶不妨為我

脯麒麟

流連藥肆酒家樓溷跡人間幾度秋昨訪安期到東海采雲一朵
作扁舟

怪石幽泉曲繞邨道旁藥草蘩蘭蓀世人幾箇能相覓未要乖龍
守洞門

謫向塵寰近百年敢希幢節下雲煙而今嬾應虛皇制合把文章
讓鬼僊

偶來城市值親知，驚恠容顏似小時。欲識起居竒訣，不過服液漱華池。

睡訣由來自有真，漸調心息欲通神。夢中已了飛騰術，夜夜朝元向玉宸。

養得青鸞骨相奇，松間月下舞氍毹。任渠媮喫瓊田草，不愛升天未要騎。

自分平生似蝨魚，愛穿經籍略無餘。玉皇若賜先生號，乞掌瑯嬛洞裏書。

醉舞狂歌衆共譁，略施狡獪也堪誇。空中喫酒俱成雨，坐上懷錢旋得瓜。

解后諸真下白雲，邀來對奕賭清尊。斜陽滿地松陰轉，却賺樵人訪子孫。

留客無煩殺不鳴，胡麻飯輒玉漿清。煨來白石形如芋，鬻就黃精

味似錫

來耳仍雲杳莫尋人間歲月易駸駸眼看清淺蓬萊水不覺回頭已陸沉

松露冷冷桂魄明酒酣屢自度新聲人間絲竹不中和乞借雙成白玉笙

自入溪山不記年花開花落報春天社公雨過青泥潤鞭起乖龍耕玉田

竹徑松籬一兩層愛除葳蕤葉翦荒藤門庭須是常修潔要候佗年帶宅升

壽藤珍木影紛紛谷鳥鳴春不記羣開徧緋桃三萬樹外人遙認是紅雲

精思牀上坐閑身稍悟先天似宿因但使羣真容受易不妨長作守門人

慣學冥心慣隱形
洞門寂寂不煩扃
誰供汲水看丹竈
半是飛符役六丁

碧桃丹草繞汀洲
況有瓊漿注玉甌
似此洞天留不住
笑伊劉阮未風流

鬢能返黑頰重紅
游戲塵凡迥不同
除廁種蔬雖賤役
姓名標在玉函中

來往名山疾若飛
裊中攜得彩霞歸
相煩玉女親裁翦
要製朝元五色衣

玉芝石髓每嘗新
兼鍊松脂不厭頻
他日身毛俱紺綠
飛行驚殺採樵人

飄然醉下市樓時
過客傳觀壁上詩
怪殺數行殊黯澹
不知是墨是榴皮

門前累月絕行蹤
坐守丹爐不啓封
竹杖一枝斜倚壁
無人知是

葛陂龍

寂寂花陰夜色賒
降真香燼月輪斜
下壇手寫朝元曲
不倩人間蔡少霞

盛取流霞與客嘗
慙無一物侑瑤觴
半酣忽出消黎實
破鼻清芬冰齒涼

年年山下守茅茨
爭訝升騰乃爾遲
合取藥成猶未喫
直緣身戀太平時

後游僊八首

在史館作

西風昨夜起瀛洲
羣真箇箇愁
寧但蓬萊水清淺
琪花瓊樹也含秋

紫殿頻催應制詩
侍書僊子擁瑤墀
辟字窠巨筆從頭掃
但乞銀河作硯池

夜半瑤池宴
月明嬾聽瑛管太縱橫
狂來走向松陰下
獨自攜琴

弄泛聲

天上材華又一新
幾多牛鬼與蛇神
修文老吏迂疏甚
不是瓊樓作記人

藥鑪全按坎離安
每轉惟憂火候難
山鬼纔知一歲事
豈堪役使守神丹

釀桂餐芝已有年
願將身附地行仙
平生解笑拖腸鼠
枉自飛騰不到天

急擬全家赴隱居
手籠雞犬上柴車
不知道側青牛客
何事淹留愛著書

遠離塵土返巖阿
玉洞深巖鎖閉多
回首長安舊銅狄
幾時相見再摩挲

藝圃小游僊六首

課罷黃庭日欲西
偶然鉏藥繞幽谿
昨宵雨過青泥潤
新長芝苗

數尺齊

盡日焚香禮太空的應騰入九霄中
乖龍要是難驅駕喚取池邊赤鯁公

竹釘門扉荻織芭澆花鋤藥是生涯
飛來采蝶大如燕開徧碧桃紅似霞

小飲休辭力不勝呼童頻翦九光鐙
手中栝是蟠桃核的貯流霞四五升

滿巖桂柏起秋風鸞雀排煙下碧空
聞道茅君夜相訪旌幢小駐月明中

松籟泉聲遠近聞重樓縹緲入層雲
擬將身附門墻列乞取先生十賚文

藝圃竹枝歌四首

池上花開照眼明流萍無數襍飛英
一雙紫燕貼波去三寸銀魚

吹浪行

鳩鵲翡翠滿沙棱
垂柳垂楊綠幾層
好雨忽來新漲潤
阿儂準備打魚罾

數畝清漪弄晚風
南邨邨口水濛濛
鴛鴦飛去望不見
疑在枯荷折葦中

紅蓼青蘋九月天
澹雲如水水如煙
畫橋側畔好楊柳
合繫儂家書畫船

邨邨

邨邨菜麥連出戶
即欣然細路坵南北
良辰社後先新煙
榆木火初日杏花天
屣步差能健無煩
上竹篔

聞子雋

杏花結子箭抽萌
小鳥飛來弄曉晴
久與淵明相輩行
敢勞苦語再丁寧

怡老園訪王子勤中留贈

君家第宅百年遺雅與炎天物色宜楊柳小橋通窄徑芙蓉曲岸
枕平池鵲鑪細細焚沈水鴛絹時時寫折枝但卷畫簾馮棊几全
勝帚屐治游兒

午睡

檻竹綠初勻清風繞戶頻體中差少病心上漸安貧小展桃笙穩
平張葛幔新午窻眠一晌最稱暮年身

姜子學在所居即文文肅公葑圃也感賦二首

曾為安石墅屣步倍淒然苔沒圍碁石萍侵洗硯泉橋心敬斷版
亭面柱危椽依舊煙波好年年艷渚蓮

東山高卧日亭館迴參差竹影團書几花香入酒卮地鄰俠士冢
名在黨人碑門客今零落猶傳妓從時

再題姜氏藝圃

隔斷城西市語譁幽栖絕似槿人家屋頭棗結離離實池面蘋浮
艷艷花隼几只攤淳化帖雪甌頻試敬亭茶與君企腳揮談麈楊
柳陰中日漸斜

離索二首

離索亦已久幽懷未易降草生都覆徑樹密頗妨窗入幕容雛燕
應門伏小龍漁舟無出入常繫綠楊椿
繞垣牽薜荔緣砌上莓苔身計霜前葉名心死後灰引杯聊遣悶
儲藥漫扶衰門牡何須上元無好事來

李明遠過予歸來閣

好事誰相訪扁舟祇見君入門驚老態促席話新聞山色迷青靄
松聲繞白雲邨居多簡略幸勿責儀文

坐王咸中池亭

楊柳芙蓉次第栽一泓寒鑑復新開羣飛白鳥渾如鶴散繞青蘋

半似苔垣短不將山翠礙廊虛能引月明來谿鱗信美邨醅熟莫
怪游人茗芋回

贈曼山王君海

但得栖身洞壑間
既看山色只如閑
不知貴客緣何事
栲栳量金換假山

葺理山莊訖有感

攀竹葢茅茨幽栖正及時
風翻黃葉急雲度碧空遲
事佛那嫌佞還書不諱癡
惟慙衰態劇零落鏡中絲

雪霽

風吹餘雪繞柴關
凍雀成羣去復還
喜共幽人馮畫檻
恥隨稚子弄冰山
疏煙細嫋空濛外
殘照微明竹樹間
歲計有無姑勿校
暫賒邨醞煖衰顏

堯峯八咏有小序

王子咸中謂予曰堯峯奇麗甲吳下吾子居此六年凡遇勝絕地不能一一吟咏其何以慰山靈乎予唯唯因疏數題命予各賦五言絕句予矢口而就愧其非工聊用為來游者前導爾

寶雲井

井在舊免水院相傳寶雲禪師所開其味最為甘寒

松間涵古泉下上百尺綆值此槐火新客來鬪奇茗

露禪菴

明萬曆中湛川法師所創菴後有大石可觀

老宿昔開山門庭頗卓犖焚香卯塔前歎息高風邈

大龍洞

洞在露禪菴後自洞口迤邐至觀音岩奇石林立推為一山之勝

此是龍所家忽挾風霆去石上空爪痕飛騰不知處

響泉

泉從山顛透迤而下入盧氏墳池雨後聲如暴雷餘日亦清駛可玩

在山聲淙淙出山流泯泯誰家灌園翁接竹遙相引

小龍洞

洞在山麓與大龍洞絕相似

潛通上穴天迤邐出煙霧慎勿撼洞門恐遭伏龍怒

松塘

湛川法師植松數百本今願為俗僧所伐

修幹嫋薜衣細斂紛艾納幽人抱琴來埽石坐明月

竹徑

徑為登山所必由者修竹萬挺數里不絕

陰濃數里中春禽嘯遠近雨過園頭忙編籬護新筍

千人坐

破陀數畝父老相傳為明嘉靖中營兵誅倭之地天陰時輒聞鬼哭

羸童拾遺鏃知是古戰場日落松聲起如聞弔國殤

消暑

從來消暑無竒策惟有杜門推第一梧桐葉大涼陰生
梔子花蘇暗香發齊紈團扇暫離手粵葛短衫微露膝
竹牀棊几樂何如讀書與睡中分日

可盤灣贈李子恪臣

數重籬舍枕湖干擘盡秋光不遣殘繞徑泉聲雲外出
卷簾山色畫中看楓林漸赤猶含翠橘實纔黃薄帶酸
最羨主人能愛客旋

燒茅桌佐栢盤

次韻訪李翁柱元

輕颿漾斜日未晚到門收
蘿落寒煙集谿山翠靄
稠新知如舊洽秋色視
春優悔作求名客輸君
占一丘

次韻訪岑公不值

草草三間屋枯茅一把遮
畦蔬寒漸甲籬茗老猶
花雲覆齋廚冷風翻挂
笠斜不知行化處惆悵
暫回車

橘香菴

菴借橘為名門前古路橫
竹侵衣袂潤雲繞腳根
平勝槩畫難似高臺營
未成主人能楚頌島可
遜才情

時岑公方築招隱臺

包山寺

風物最清妍禪栖已有年
當門重澗曲匝屋衆峯
園竹是先師植碑元勝
國鐫鐘樓雖擅勝零落
半無椽

毛公壇小游僊詞四首

羣石參差滿路橫黃芝赤箭逐年生只疑猶有遺丹在絳氣通宵徹太清

檄取山靈埽洞門歸來重訪舊壇雲月明時節開清讌先約南鄰墨佐君

玉節珠幢去已遙獨留殘石鎮山茶愁渠變化成羊後喫盡黃精數頃苗

壇上亂松高百尋松花堆積丹池陰劉郎一去不知處滿樹白雲號翠禽

游洞山

龍潭在其下

名山逢勝日取次共登臨龍卧渟泓穩人穿鞏确淡叢生多異藥清轉或僊禽猶愧塵心在金庭未及尋

洞庭橋枝詞二首

西山之人商於湖廣者多予故仿葉水心橘枝詞體以招之
阿儂家住橘林旁卽乘大舩向襄陽寄郎只寄雙頭橘蚤紅差勝
襄陽黃

郎行時節橘花零南風吹來香滿庭今年橘實大於斗勸郎莫羨
楚江萍

留別橘香菴主岑公

為我謝支郎幽栖願已償不求梅子熟但愛橘林香骨以尋詩瘦
身緣受請忙浮栢如許渡當卽埽繩牀

石公山襍咏七首

一綫天

峯顛嵐靄聚壁上藤蘿翻日落樵人絕時時緹飲猿

歸雲洞

誰運山中石架空作此宇惟應雀上人常逐雲來去

連雲嶂

孱顏欲干霄，鼯鼠騰莫及。夕陽楓柏明，還疑雲五色。

石版

一片平如砥，臨流儼畫圖。許儂橫舴艋，占作釣磯無。

蟠龍洞

洞口繞流水，洞中卷白雲。那知蟠此者，不是洞庭君。

石梁

淙淙雨後泉，爭向層崖落。一石駕長虹，行人愁著腳。

石公菴

山僧荷鋤處，曲徑頗幽絕。籬外客來稀，款冬花似雪。

洞山襍咏六首

陽谷洞

洞中耀陽烏，益覺煙景媚。緩緩松陰移，人間已千歲。

曲巖

幾折上層巖，桐蘿常滿把。露濃嵐徑淡，惟見采苓者。

卧龍石

神龍嬾為霖，高卧荒榛裏。蜥蜴竟何知，成團戲潭水。

伏象崖

象王在崖中，百獸敢侮翫。麕麕正相呼，見之輒驚竄。

吳王離宮

梁欂久無存，荆榛冒荒土。時時秉鉏人，斲得折釵股。

浴娥池

壑泉脂粉香，傳是吳娃浴。至今葦花中，鴛鴦每雙宿。

湖上雜曲五首

湖上芷花香，湖中荇帶長。激波明似鏡，龍女照新妝。
橘社綠參差，湖煙罨橘枝。鴛鴦如有意，飛上柳郎祠。

蠶妾入春忙春風吹女桑邨邨簫鼓急爭賽水平王
雙鬟小龍女乘月弄珠回露重綃衣薄呼來舞一柸
人去壇猶在淡藏隱姓名不知柑橘裏可有奕棊聲

軒中即事

北牖風差軟南榮日漸長雲涵硯山潤花壓壁瓶香
文竹新書几斑絲舊隱囊莫言無長物麤覺勝王郎

和唐孺含看竹絕句三首

修篁蕭颯覆幽居歎息吾廬絕不如但使主人容客
歡畫船大可替肩輿

羨爾移家海上邨琅玕千箇擁寒雲鈍翁自笑緣慳甚
屏幃中間見墨君

苦無隙地種扶疎只羨篔簹谷裏圖身似北人方
鬻篔簹能分束筭見存無

臂疾大作不離東軒

藥囊茶裏鎮相依，歎息身如泡影微。
久廢著書才思減，漸疎把盞笑談稀。
瓦瓶花映明窗放，石鼎香縈燕几飛。
自分風流慙叔寶，也因羸疾掩荆扉。

久雨不止三首

今年春比去年遲，花發頻逢雨過時。
舍北舍南泥淖甚，卷中欠了討春詩。

濕雲冪冪雨沉沉，姑惡羣號繞竹陰。
病後不禁情思惡，况堪援筆賦愁霖。

仗雨闌風滿四天，一春花信劇堪憐。
與花動是經年別，莫怪逢春倍黯然。

料理東軒南牆外地，塵穢了。

春寒趁曉晴，幽事費經營。
徑石鋪初穩，山松植已成。
藏花交小葉。

摘蝶下新鶯送老無多地欣然愜野情

出游

春光方淡池農事漸謹闢斧為劉桑淬池因浸穀穿山禽噉竹落
野馬暗蕪田解后龐看窳沿門歛社錢

過石隴山房

不惜扶衰病頻於此地游貼波低乳燕繞徑蔓牽牛翠靄千重合
青山四面收甕瓶試新茗竟日小淹留

王咸中至山莊以松花餅作供二首

斜陽有客款柴荆留試椿芽與箭萌別為松花出方略山家風味
十分清

書籤畫卷淨無塵欄藥庭花觸眼新清坐相看渾不厭笑他金谷
聚蟲人

題石隴山房

共住堯山鳴山房更覺清筍從磚罅迸草占石根生不雨澗長溢
無風松自鳴慙君頻乞記境絕語難成

看花二首

雪鬢霜髭斗覺加顛狂猶覓四孃家已嗟命薄難禁得何況都將
乞與花

淡日輕煙暖氣融名花爛熳笑東風平施五色光明錦疑在齊奴
步障中

康熙辛未五月五日至長水寓樓寫

堯峯文鈔卷八終

... 未正... 日... 水...

...

...

...

...

...

...

...

...

...

...

堯峯文鈔卷九

門人侯官林佶編

今體詩六 共一百二十七首

聞薦舉 詔言志五首

菟園冊子在牀頭自分迂踈不足收董賈高文姑撥置可能詞賦
類俳優

久忘箋傳語云何蠶譜農書記憶多腰了一鎌肩一笠只應赴箇
力田科

曾學雕蟲苦未成讓渠班馬獨專名白頭願作邨夫子一卷蒙求
聚後生

鄰穉謹闕野父驚爭傳軒騎枉柴荆此翁漸被時賢識悔不從前
換姓名

紙窗竹屋栖遲穩締帙帳桃笙偃仰寬慙愧暮年真大黠不曾西笑
為長安

軒中弄筆偶成

家近南垞與北垞，比鄰鬱鬱徧桑麻。不妨拾蕈充齋葢，未辨留錢付畫杈。老柳已髡仍有柎，小桃纔接尚無花。邨人社鼓謹闐甚，攬入間身一笑譁。

延客

延客上茅堂，貧家治具忙。瓦盆傾白墮，土釜熟黃梁。筍斲貓頭大，蓴撈雉尾長。少留君勿恤，風月足徜徉。

過邨家小池

乘興不知遠，悠然愜賞心。試花桃尚小，昂穗麥初深。翠羽明如錦，魚苗細似針。本非枯槁客，澤畔亦行吟。

雨

急雨蕭蕭響竹笆，濕雲漠漠暗窗紗。天公不為醱醢地，壞盡墻東一架花。

雨中戲咏笠子蓋編榭葉為之者

滿邨風雨苦
息息葉笠逢時也
奏功何限豪門高
蓋在山行輸與
敗天公

姜學在餽蓴菜二首

偶然歸理舊
柴荆未必風流要
擅名但覺暮年差
免俗老饒也合
吃蓴羹

人世從來為口忙
惟須一食療飢腸
蓴羹菰飯原無價
莫與微官
共校量

初晴小步

喜值晴光滿
四山從容屐步短
籬間受風勁
竹如強項
熏日名花似破顏
泉欲赴溪頻
曲折鶯思選
樹每回環
試馮石磴安
茶具徙倚何妨趁小閒

病後示諸生是日初落一齒

齒豁頭童老病侵，可堪學術玷儒林。將迎但守山居約，動止嘗提
坐右箴。子方以數字箴坐右恥以文詞矜後進，敢緣名利變初心。胸中一段
蕭然處，自是難從簡策尋。

偕門人拉咸中往聽響泉

紅糝青梢漸滿林，偶逢佳處便登臨。懶從東閣觀奇士，喜向南邨
樂素心。怪石染成煙靄色，亂泉流出佩環音。坵中風物皆幽絕，始
信山栖不厭深。

池上

予新得一池灌山田其上
有樹五十株

暖日和風處處妍，獨來池上聽潺湲。柳條細似千行線，蘋葉圓于
半兩錢。丘壑固應酬雅尚，勳名終是欠前緣。袷衣紈扇麤相稱，且
樂人間有盡年。

坐王咸中池上

主賓無語似相忘，淨拂蒼苔坐夕陽。乳燕飛飛蛙閣閣，楚萍謝絮

滿池塘

病起

椽皮屐子癭靴冠病起時時小倚闌囊底神方惟斷慾局中上著
是休官綠梢尚隱稀稀萼新笋纔抽嫋嫋竿春事已闌身漸老相
煩兒女勸加餐

病中襍興二首

老去靈臺久泰然宵憂衰病日沉綿萬金良藥君知否一味加餐
企脚眠

駭機半為功名發禍本都緣祿利生怪殺盲人乘瞎馬傍池猶作
五更行

茗華書屋中睡起

栖身一几一藤牀睡足那知晝漏長硯潤溶溶儲膳鑪温細細
嫋殘香驟謹鳩語先疑雨乍轉桐陰頓覺涼卜築任渠城市近安

心已竟恰相忘

題書屋壁

囊收乞米帖案列換鶯經病怪醫無驗窮疑鬼有靈舊遊真噩夢
故友似殘星願以痴聾字書為座側銘

晚景

晚景頗艱辛誰憐白首人栽田思博飯髡柳欲儲薪牢補蘆藩密
平墁土壁勻餘生如此了真箇作編民

自題小像二首

花氎淨巾常在手斑絲文袴穩栖身偶然寫箇跏趺影便似香山
社裏人

已偕幻泡觀衆法更將蕉槿喻殘身入山自是安衰朽非學巢由
一輩人

懷堯峯時方閉戶城西

最好夕陽天支筇古岸邊微雲度歸鳥踈雨歇鳴蟬柳港謹漁鼓
芙蓉塘聚鴨船病身思小適悔寄郭西偏

書歎

暮年貧病兩相妨追數平生黯自傷草率著書成老謬蒼黃忤俗
坐清狂收身每愛蒲團穩適口惟思麥麩香家誠比來無別語但
祈世世力耕桑

夜雨

病思真如退院僧况逢急雨打窗棱難香深撥螭頭鼎展卷頻挑
靡足燈文字起衰甘未逮身名諧俗愧無能結廬幸在郊原外社
父園公是友朋

北上車中作

驢車躑躅夕陽間底事天公不放閒似憺此翁詩料減再教飽看
魯諸山

病中二首

悔吝真難釋，踦愁漸不支。
文章負聖時，堯山好山色。
只合老茆茨。

索米良非願，如何滯帝鄉。
貧多賒酒券，老乏染髭方。
王侍讀見贈有染却

白髭須之句半朽憐枯樹，微暄喜夕陽。
人情異鷗鳥，歎息未相忘。

屢辱侍讀王先生以盧藏用种明逸常彛甫見嘲未敢用鄙
句唐突又蒙賜口號四章語意鄭重督和甚切勉遵無言
不酬之義敬荅四首以當解嘲

江外重山接五湖，十年何幸住潛夫。
詩翁但戀金門直，曾見漁洋樹色無。
先生自號漁洋山人

芭譚相憶不勝情，竟徹臯比奉檄行。
車服倘緣稽古力，優須飛札報諸生。

暫因移疾守柴扃，曾是含香侍漢廷。
太史錯占天上象，歲星元異

少微星

明年春水引歸颿的合移家占一岩從此不稱前進士故人親授
隱君銜

題喬舍人畫二首

彩雲隱隱瀑重重直是仙家第一峯畫史不須皴染畫且留隙地
著吳儂

試從卷裏望山椒便覺吾家舊隱遙鴨踏嶺頭春水好桃花溪簇

搦船橋

嶺與橋皆在堯峯

和王侍讀韻二首

雪殘猶偃卧旅騎怯掀泥夢憶湖山曲春晴鳥亂號迸階芳草茁
壓屋野梅低計日河水泮還家曳短藜

欲識堯峯好邨居半堦泥柘溪蠶子長花暖郭公曉小市漁人集
官橋酒旆低所慙猶旅食間倚壁間藜

禱憶四首

綠茁生芽柳弄絲黃鸝睨晚燕差池客遊始羨江南樂歎息衰翁
見事遲

架犁布穀已爭鳴急買輕驅趁雨行記得清明須漫種莫教流落
悞春耕

殿頭枚馬似絲星願乞殘骸守故廂芍藥醪醪俱好在未妨花發
抱添丁

怊悵京華滯此身故鄉風物一番新醪醪過了吾何恨筍老尊殘
最娛人

懷張隱君六子

故國風光早惟應旅客知野田挑菜日邨屋培蠶時隱隱漁家鼓
翻翻里社旗龐眉舊鄰叟徙倚倍相思

敲枕

旋放蘆簾整布裯先生敲枕息殘身室無侍婢猶嫌病廚有餐錢
更苦貧寒甚賸賒燕市酒風來羞汗庾公塵故鄉節物殊堪憶箭
茁槐芽又一新

阮亭先生賜讀洞庭游橐長句一章謹依韻奉答

似有毛公勝尚禽別開洞府待幽尋波淡自足魚千石壤沃真堪
畝一金倒景浮空山側畔紛紅駭綠樹中心惜哉如許名御栖地未
得招君杖策吟

聞 駕幸湯泉十韻

律當無射候 嚴蹕向新豐菊映 鑾輿豔雲迎輦路紅 天王

停綵仗 文母駐離宮騎從皆羣駿追陪儼上公靈泉來滾滾佳

氣繞息息源自丹砂發流將碧落通登臨紆 睿覽游豫愜 宸

衷玉甃凝香霧紗窗障朔風陽回温谷內春在繚垣中惟羨瑤池

水能專浴日功

和阮亭口號次韻二首

溪山猶記昔年遊，學作王郎傻面秋。最好昭亭祠外景，淡煙疎柳隱譙樓。

偶馮團扇憶曾游，絕似吳淞一段秋。試問夕陽紅樹裏，誰家青旆出高樓。

聞部議命予以原官帶病修史二首

又作東華客，窮愁每萬端。酒如交態薄，春似旅情闌。努力先朝史，安心本分官。桑榆元自暖，無策返江干。

翳翳塵侵面，蕭蕭雪覆頭。酒從王媪貰，藥訪宋清求。往事槐根夢，餘生水面漚。兒曹尚齟齬，嗾情誰收。

睡足

頗怪家書斷，仍虞旅病侵。忍窮增學力，揣分息機心。土銜凝塵滿，柴門積蘚深。餘眠未足，軒騎莫相尋。

送田髯淵南歸

一幅輕飄趁好風恰如魚鳥脫鉤籠
楊梅爛紫登盤美蓴菜微青
上箸空學與衆殊差近襟詩無人愛
始稱工渡江自有名山在莫
為紬書義史公

題畫三首

遙指山門一徑長丹楓烏桕點清霜
風光絕似堯峯院輸汝相攜
話夕陽

陰陰灌木野禽嘯點綴樵邨與釣溪
占盡畫圖君信否鈍翁家在
此峯西

小桃著子柳飛花輕靄濛濛細雨斜
慙愧此身非社燕今年春盡
未還家

決策

久拋暖窟計全非眇眇吳昌匹練微
鄉夢暫隨胡蝶化客心遙逐

鷓鴣飛懶判衰病
耽榮祿悔趁虛名
踐駭機今日看間有黃色料
應決策掛朝衣

憶江氏園亭

君家卜築倚花涇
風物佳時許叩扃
石骨透煙通體綠
松身卧蘚一
邊青縱橫藥樹穿藤架
破碎溪山上畫屏
記得年前曾往返而
今相憶鬢星星

病

高鼓一枕掩雙扉
柳未成絲草未肥
獨有東風酸次骨
攬先透入病夫衣

史館有感

病眼摩挲久不明
暫拋史冊繞堦行
痴蠅爭暖栖難穩
小柳含風卧未成
文字祇慙騰舊牘
功名久分付來生
此身已是蕭騷甚
更聽春禽巧弄聲

和問亭韻送邵培風處士南歸二首

長河水盡浪生花千里邗愁道路賒未到江南先稱意暖風輕送
布帆斜

青梅綠李滿江津君到江南物色新市市旗亭開社釀邨邨土屋
賽蠶神

病况

透檐殘雪穴窗風沈病潘愁逆旅中材拙敢期同舍恕過多須仗
故人攻缺脣硯貯煙煤潤折腳鐙支楮拙紅此即暮年生計在肯
揮雙淚為途窮

冬日憶堯峯作

萸泝迢迢接竹垞壞垣頽壁野人家輸芒湖蟹肥堪把縮水邨醅
賤易賒膩白泉如初滴乳爛紅楓勝欲殘花羨伊鄰客都無恙只
守柴門領物華

病中三首

談遷彪固本相因玉局那堪賸病身
回顧童烏僅三尺異時史彙
付何人

屏當書籤檢藥囊儘判筋力拄風霜
殘秋欲盡人猶卧不信蘭臺
有病坊

鄉書遼絕客途窮身襍牛溲與馬通
一笑形骸元土木任他流漂
自西東

請告六首

筋力蹉跎肺氣衰膏肓豎子去還來
行年自分無官祿馮仗東歸
厭此灾

一輛柴車出帝鄉著囊藥笈是輕裘
旁觀莫笑緇衣敝猶帶東
華輓土香

已辦輕帆展曉雲東來花信漸紛紛
社前擬換江邨酒解得銀魚

未可焚

面如槁葉髻如霜慙愧承明侍從行縱是聖朝堪眷戀也應歸

骨故山翁

春向垞南泝北生紅英紫萼漸縱橫馮誰約束司花女小侍先生
曳杖行

薊了柔桑種薄田好騎觚角日周旋槿籬深處柴門迳不要安車
特地懸

十年前請告與梁曰緝先生唱和遮字韻詩凡數十首今日

再次

去攜兒女管春華重漱流泉踏亂霞門外一行陶令樹籬邊全幅
趙昌花青精黃獨堪為飯竹几蘆屏算是家京洛輭塵飛不到不
須扇角帽檐遮

書懷二首

急將野服換朝衫
春水初生漾去颿
猶自畏人重檢點
盡焚史彙

諱頭銜
又趣輕裘去
聖朝松風蘿月足
逍遙行藏無與時
賢事懶費心
情解客朝

得蘭兒家信作

自赴 徵書又判年
藥囊衣襟故依然
病身寄跡如賓雁
稚子催歸學杜鵑
去國但求鋤菜地
挂颿須趁養花天
從今莫作官人看
皓首龐翁是散仙

候 旨作

河上冰融草復斑
此身猶滯旅亭間
藥無可染衰餘鬢
酒不能回病後顏
家業漸隨花竝落
客心先逐燕雙還
雲泥分與諸賢隔
喜有音書念閉關

留別四首

悠悠馬首欲南行
騰喜尊前黍酒清
此別斷無重見日
故應剪燭話來生

小頓柴車大道旁
離亭分手柳條長
不知衰淚能多少
猶為交情洒數行

去鋤花藥補籬籬
此段風流自一奇
鴨踏嶺前差可老
免教人誦北山移

春明門外柳花香
故舊臨分黯共傷
從此雲泥相契濶
敢將嵇阮附山王

違俗

闌入少年場
功名黯自傷
病身垂翅宦
拙宦觸籬羊
史筆尊遷固

名御言愛老莊
半生違俗好
安可點班行

連遇大風舟行甚遲戲為二絕

塵沙漠漠不逢春
祇覺狂飈攪水濱
風伯也如時態薄
百端阻抑

去官人

怊惆篙師色似灰
數重雪浪競謹
逐老夫別有驚心處
新自風波
宦海回

阻風

絕無春事慰衰翁
竟日攣環小艇中
鐘鞳噌吰千折水
飛揚跋扈
五更風黃埃全起
迷平岸綠鴨驚呼
橈半空歷盡畏途
今至此始
知摧折坐天窮

兀坐

兼旬兀坐守船扉
風物蕭條樂事稀
隨病淺深頻議藥
量時暄冷
輒更衣瓶花計日
愁將落沙草迎風
覺易肥未審兒曹
相念否
醪開盡決成歸

題蘆鴨圖

眇眇寒流接遠天
荻花翻雪水凝煙
竹弓絲罽真難到
借與沙禽

自在眠

世路敲嶮不易行每身經處輒心驚的應輸與滄江鴨慣狎風波
了一生

以榆錢和麪蒸食之

黍飯齋湯故有緣先生捫腹每悠然旋收榆筴成清供下箸何殊
食萬錢

張敦復前輩言汪茗文此行固善矣恨其不肯從陸不及歸
賞牡丹耳予聞之失笑今日穀雨正牡丹盛開時也以水
涸滯舟清源感賦二首

小艇搖搖未肯前野桃著子柳拖綿為耽煙水濃如畫愆却花期
又一年

洛陽人每稱牡丹為花見歐陽公譜

故里春光到鬪茶尚隨鳧鴨宿晴沙也知骨相殊酸薄無福能看
富貴花

清源

孤艇清源上
經旬繫綠楊
鴨浮貪淺水
燕語狎危檣
淖鬻扶衰疾
渾醅潤渴腸
滯留君莫歎
猶校一官強

小住

幸承尺一返
農桑重理桃
栽葺柳塘仕
宦不曾諳
小草文章何必
做長楊
鳴機白紵如雲薄
出甑黃稂勝蜜香
相見莫詢京洛事
為君小住話江鄉

絕句四首

羣賢濟濟曳華裾
潤色斯文已有餘
身是腐儒才思拙
只堪歸校兔園書

九原精爽儼千秋
肯逐黃埃白草休
何事時賢苦相撼
枉拋心力作虬螭

馬班未敢比春秋
聊取前聞次第修
歎息後來嚴筆削
直將書法

接尾丘

學術文章兩未工三年噩夢苦息息還鄉但逐雞豚社勝入佻文
死友中

堯峯二首

遙憶堯峯麓溪山市故居層林號戴勝淺瀨聚王餘煙繞墟中綠
風來水面徐時因行飯出初不要籃輿

淥淨蜻蛉浦縈紆躑躅岡釣菴編短箬梵舍隱叢篁過蔭恒停杖
逢邨暫乞漿峯前舊游地敲枕亦難忘

食薺二首兩岸此菜甚多土人不知采也

攜籃挑取雪中芽未着鹽醃味已嘉說與諸僮都不信放教徧地
發蘩花

晚薺青青含甲媵蚤菘白白簇科長江湖不少魚羹飯未抵山蔬
出釜香

旅宦

旅宦睽兒女窮愁滯歲時衰來顏暗覺毀甚骨先知詞賦枚臯拙
功名李廣竒昨非今未是惟悔去官遲

春晚

不覺春又晚猶依孤棹行河流半清濁天氣襍陰晴吹水游魚樂
迎風乳燕輕淮南眇何處千里暮煙平

迂疏

黍飯蔥湯養此生悠然猶發嘯歌聲極知老大迂疏甚恰要兒曹
著眼驚

兩岸無桃李因采蒲蘭及豆花入小瓶作供戲賦此詩

一春宋莫動愁顏絕欠名花任意攀小草息息也承之得登書几
硯屏間

泊阜湖口其地多警

鷓鴣拍拍繞斜陽
蘆荻翻翻渚
淑芳祇喜病身辭
北闕有憂豪客
出南塘
雲連漲水微茫
白風攪飛埃
慘淡黃
賴有紫魚菘菜美
一尊風味似江鄉

將抵家三首

一別雲山已有年
舊游重到輒淒然
霜顱雪頰歸來客
自是陳人不是仙

幾多朝士擅文雄
誰復留情記此翁
老大去官君勿訝
時賢方重黑頭公

知識相逢話舊餘
數行清淚落衣裾
不須惜我頭銜小
已被虛名暗折除

又絕句二首

豆似瓊珠最覺珍
含桃爛熟又嘗新
暮年纔識歸來味
縱欠尊鱸亦可人

製得吳中釣具全一聲款乃向江天鏡湖底要君王賜是處煙波
好放船

微香閣

樓居仙所好吾亦暫游行木落全湖現天寒衆壑清亂雲隨地湧
老樹與檐平淡愧黃冠空幽栖了一生

湖中二首

湖光似鏡映斜暉紫蓼黃蘆拂釣磯寄語羣鷗須識我莫隨花鴨
背船飛

西山景物近如何放取輕舟一葉過乍覺霜風寒割面白魚黃雀
繞灣多

次岑公韻游林屋

正值吳江又落楓來尋仙穴與君同長松礫砢凝肪白藥草離披
結實紅路出漁梁樵隍上人行恠石壽藤中猶嫌洞府幽淡極未

許時流步屨通

過平嶺見原田流水甚可愛

疑是武陵天人家十數椽危橋跨清壑細路入平田鳥影藏紅樹
雞聲出翠煙此中堪大隱何必羨游仙

石公山道中

一徑入平岡邨居迤邐長天寒菘圃綠歲旱橋田荒石骨棱棱古
茶花澹澹香經行皆畫本收采滿奚囊

西山漁父詞四首

澹日輕煙漾滌漪鱖魚吹浪尚遲遲阿儂要放蜻蛉艇直待風斜
雨細時

魚價今年逐漸強偶因換酒到山鄉笊箸箇箇盛魚滿一寸銀刀

論斗量

吳人謂
賤為強

生長湖中上岸稀石船只在蓼花磯鷓鴣灘鷓鴣都相熟長傍船頭

自在飛

雨過雲頭日日陰
石駟腳下水痕淡
全家習慣風波了
不怕湖邨
便陸沉

次韻寓李恪臣包山書屋

舊有毛公占盡春
品栖今復見幽人
拓開泉石俱成畫
邀取湖山竝作鄰
釀黍時時斲玉醴
搗橙細細膾銀鱗
客來况值佳風月
不覺淹留便及旬

追述

得尋洞府亦前因
追述游時不厭頻
丹穴乳泉皆異境
黃甘陸吉是幽人
穿林翠羽形容麗
出網銀刀氣味珍
除是翛然塵外客
更誰解問五湖津

西山觀梅二首

處處梅花映雪明
筍輿竹杖恣經行
天公似會游人意
貸與斜陽

半日晴

漸覺林間有落英
山僧導我歷柴荆
丁寧莫問山溪淺
但揀梅花多處行

嚴氏傳硯齋二首

迢迢先澤冠東吳
太守詒謀近亦無
絕勝風流王內史
祇書小卷付官奴

室有牙籤映縹緗
庭前書帶數叢長
封胡羯末今如許
未怕年來硯沼荒

康熙辛未六月六日錄於鴛湖之竹聲柏影軒信識

堯峯文鈔卷九終

堯峯文鈔卷十

門人候官林佶編

今體詩七共一百十八首

吳公紳同周覲侯移庖過堯峯山莊覲侯有詩因次韻二首

同集者張六子王咸中及公紳次子于石也

枳籬茆舍也生春今雨欣逢客到頻
徑有茶梅初放艷盤登鮭菜
幸嘗新喚晴小鳥爭穿樹趁暖羣蜂欲撲人
多少筍輿兼畫舫除君誰慰病餘身

喜君載酒遠尋春徑造無煩叩戶頻
詰曲樊垣麕勝舊青蒼杞菊
恰含新疏花橫榦疑妨路馴鳥梳翎似狎人
何日耦耕敦夙諾歲寒都作老農身

題天台訪道圖二首

絕壁危梁似畫圖
此中有路達仙都
地黃不托胡麻飯
能向山家少住無

自離洞府入塵寰丹竈全拋茵露間若見諸真馮寄語鈍翁久謫
頗思還

杏花

煙雨迷濛古岸斜淡紅淺白繚邨家緋桃未放緗梅落占斷風流
是此花

和說巖先生見寄絕句次韻六首

白版雙扉晝亦扃姓名羞入長官廳只拈舊日陽秋筆箋徧田家
耒耜經

鬻石燒金別受方采芝蒸朮更堪嘗馮渠算盡周髀數惟有歸田
一策長

交誼元非白首新偶緣身厭軟紅塵才疏未是嵇康比何忍將書
絕故人

拈取幽栖說與君鳥窠煖穴與平分不愁歲儉饑寒甚紉了溪荷

餌澗雲

細草茸茸繞席門堯峯一曲敢言尊農書大有奇文在要與鄰翁
細討論

平生亦解羨瀛洲歲晚其如倦宦游縱使此身真老健不堪筆削
也宜休

和施愚山見寄去歲贈別口號次韻四首

歸來空學地行仙分向淡山了暮年獨羨君為香案吏至今身在
玉皇前

頷雪髭霜倍覺明燒丹種玉苦難成此身已是無家了只荷劉郎
一錫行

飛泉曲折下平沙來往時時有釣槎從此殷勤屬流水莫教浮出
洞中花

虎阜西南霍嶺東幽栖不與市塵通飛花語鳥頻相續常似人間

二月中

寄阮亭先生三首

待 詔諸賢滿廟廊才名真擅漢京長
鄒枚賈董如蔭葦未數區
區白髮郎

史筆何時到獲麟不妨收取不貲身故人
知我吾能記許向江湖
作外臣

雀瘞龍鍾絕可憐擬求靈藥養餘年
棄官亦是尋常事直比巢由
恐未然

堯峯懷覲侯

角巾蒲扇草堂中未覺炎蒸惱病翁
高柳陰陰敲遠翠踈花寂寂
裊長紅松間漸吐嬋娟月蘋末遙生荏苒風
試說似君君愛否樂
時清賞兩人同

過江氏小山書屋

秋色淡融融聊行小徑中畫闌饒曲折文石擅玲瓏叢桂多年綠
盆魚一色紅游從都似舊欠了鹿牀翁俞無殊自號鹿牀

和諸君子題元龍城東新居圖絕句次韻二首

平田一曲恰當門蝦浦牛闌野趣存但得素心晨夕共不妨呼作

小南邨

竹門松徑接煙蘿剝啄由來好事多花月中間頻得句不知誰與
作羊何

贈沈丈二絕句

與君連袂舊情親今日俱存歲暮身幸得溪山相近住杏花邨裏
話朱陳

別開蓬徑繞岩阿未有羊求共嘯歌準擬與君成二老不論時節
數來過

舟過虎丘

載酒出花溼秋光似畫屏
破煙雙白鷺點水一蜻蛉
魚鼓謹孤店
菱船下淺汀雲岩看漸近
佛塔已亭亭

堯峯山莊招公紳觀疾

別久能懷舊老蒼提攜藥笈與詩囊
枇杷黃後忙麤減叢桂丹時興
最長水面唼呀乘曉月門前剥啄趁秋涼
莫嫌野客貧厨薄剪韭烹鮮好共嘗

咏蠅

陡覺金風透袷衣紛紛落葉擁荆扉
青蠅能得多時活猶逐斜陽暖處飛

經營

又值春將盡深山換物華
花殘纔割蜜雨過旋收茶
浸種出陳穀繅絲修故車
謀生忙未了真作老農家

又題

莫信身無事經營詎有涯
醫花針蝨穴壅樹掬蠶沙
短竹扶籬密
修筒引水賒甫秧畦菊
竟乘雨復鉏瓜

汎溪

今日佳風日沿溪任短槎
綠沉籠岸樹黃豔繞灣花
漁婢吹微浪
鳧翁立淺沙前村猶里許
隱隱犬聲譁

過吳氏南垞草堂

飯餘屣步出於此每盤桓
高下數株石周遭卍字闌
廣除分美蔭
圓沼引清湍笋嫵茶香熟
差令老抱寬

示觀侯三絕句

城東大道接城西三日秋霖
是處泥何似山莊清絕地
陰陰喬木
畫眉啼

此身未覺老蹉跎醉向燈前
每放歌新製荷衣耐涼冷
今宵添得
酒痕多

纈林翠靄繚邨東一箇茆齋畫中君若不嫌雞黍儉未須分手
太息息

遇東山王墨池

輕舟來自巨區東石隴莊前偶爾逢等是暮年君較可老夫顏狀
更龍鍾

仰天窩

別尋幽徑繞禪關晚靄蒼茫未擬還身在畫圖屏障上項容松石
董源山

檢視小園麤了因作

料理家園畝許寬青衫團扇據牀看餘花隱隱藏深葉小蝶翻翻
度曲闌加糝箭萌含嫵綠蘸鹽梅子雜微酸窮居自是饒情味未
要樽罍佐一歡

留客

短椽踈牖接修廊，刺啄聲稀清晝長。
馮仗幽人寓碁簞，與儂飽享竹間涼。

荅友人出山之問

不嫌野父便交歡，諱說頭銜是史官。
車為久懸羞再駕，冠宜長挂怕重彈。
叢祠散社分餘肉，僧盃逢齋寄一餐。
此段風流那易得，肯馳險阻涉波瀾。

贈西山李翁柱元

曾陪杖屨兩經旬，知好樓居斷俗塵。
邀取石公為老伴，勾連洞府作比鄰。
飢盤多摘黃金實，入饌惟烹澹墨鱗。
丹白藥鑪俱好在，應已證地仙身。

贈橫金沈文景之

老去知君久息機，官將踪跡狎塵鞿。
隱囊碁局風流在，布襪青鞵逸興飛。
啄黍黃雞雙蹠美，輸芒紫蟹巨螯肥。
一尊從此堪相對，况

有籬英采未稀

月下演東坡語二首

自入秋來景物新
拖筇放腳任天真
江山風月無常主
但是閒人即主人

隱隱清規吐遠山
酒鎗茗椀頗相關
人間何處無風月
欠箇閒人似我閒

甲子冬十月紀事詩五首

遙望龍顏漸儼然
鷄頭繡繖繚祥煙
不愁日與長安遠
此地重瞻尺五天

右與坊院諸臣恭迎御舟於澣墅關

咫尺天威大道旁
最慙衰病失趨蹌
誰知分外承恩顧
不忘先朝執戟郎

右御舟前泊蒙徧詢諸臣姓名獨不及臣琬琬因自通

蒙 諭曰曉得

旱潦螽螟政苦頻窮檐無復見京囷 至尊特地垂 清問是處

吳儂頌 聖仁

右蒙 俛詢吳中秋成臣琬謹對曰今歲歉收夏大水秋

不雨

雲漢 宸章迴不同小臣拜賜草堂中山南父老驚相語夜有榮
光上燭空

右蒙 御書之賜詳具閣記中

竹屋茆檐寄此身門依邨曲對嶙峋白雲深處青山下僥倖 君
恩作散人

右白雲深處云云即 御書中首句也

雪後邀曉師同往蒼隴二首

凍雲淡雪壓檐明乾鵲飛來忽報晴縫取衲頭修葺子與君準備

揆春行

殘雪初當見，現時筍輿穿。歷自遲遲先生，不惜衝寒出。如此風流

也大奇

題葛震甫畫三首

五字清新久絕倫，如何竹石又通神。湖州儋耳風流在五百年中

有後身

微芳冉冉借光風，花萼叢生杞棘中。恠得幽人寫空谷，只緣臭味

與渠同

竹君挺秀敬高岸，蘭友滋芳被野田。倉卒寫真俱酷似，此髯風味

亦條然

春日偶成二首

機心雖易泯，習氣頗難除。戒殺仍捫蝨，防淫尚愛書。開籠放松鼠

洗鉢薦梭魚，每作兒嬉事，悠然樂有餘。

幽栖如逆旅病骨是癯儒漢玉璫書鎮官窰作唾壺食常常需本草
倦即倚團蒲猶幸公租了門前欠吏呼

秦園

恹恹竒竒石踈踈密密花暗泉穿澗落曲徑向橋斜拊檻文魚出
開簾語燕譁 鑾輿方駐蹕草木亦光華

丘南留宋旣庭

踈簾畫檻淨無塵徙倚何妨襍主賓煙起忽迷山半角木凋遙露
塔全身苞黃小剖離離實腴白旋批細細鱗風味正佳君少住暮
年一倍惜芳辰

丘南漫興二首

家依水石繞煙蘿願得終年守澗阿取友久嫌知己罕拊書淡覺
會心多江河滾滾殊難挽歲月堂堂每易過戶外繁華堪羨否且
收方藥養微疴

淺築園墻短插筓山南水北鈍翁家竹高已茁纖纖笋菊晚猶留
豔豔花連屋圖書成倚閣過門畫舫任喧譁老來活計無多在只
藝蠻香煮苑茶

偶書

磊砢盆中樹陂陀硯角山時時摩倦眼小小破愁顏生計真聊且
虛名亦等閒茶甘飯仍軟此事最相關

遣興

居止三間屋游行五尺舡腳緣衰後蹇骨向毀中銷與客評詩草
從僧辨藥苗餘年真有樂隱矣莫相招

與諸生飲

今夕是何夕追歡伏爾曹清談粗可喜文飲尚能豪共剥菱三角
分持蟹兩螯寧須觥錄事勸醉撥檀槽

初寒

垣許長茆覆窗將敗帑粘壺觴隨意進衣絮量時添風急頻搖幌
香殘尚裊奩行藏吾自了太卜不須占

老病

時有盜警

老病頗難持蕭蕭風雨時酒無苟舍餉羶有小偷窺借暖爐中焰
支愁枕上詩門前楓柳樹一夜不禁衰

飲酒二首

色似鵝黃自釀春綠鳧斑鱖更鮮新不妨痛飲踰三日便是風流
一輩人

何限知交共夜分最宜持酒細論文從來只得三蕉葉罵坐虛名
嚇殺君

初秋作

袂衣初換扇初收病體欣逢歲令秋山罩薄煙加窈窕柳含輕露
尚風流繞簷小燕將言別抱葉殘蟬似訴愁從此衰翁真快意急

呼艇子備行游

行藥

毳袖淡溫竹杖堅
鈍翁行藥屋西偏
受霜楓葉非前日
遇漲溪痕過去年
寂寂僧房寒靄裏
亭亭佛塔夕陽邊
鄰翁相見問無恙
似羨風流近謫仙

吟興

吟興殊不愜
聊扶病體行天寒
饑雀開歲盡
祭緒鳴淺白
憐梅小
濃陰喜竹成
朔風方釀雪
未望臘前晴

閉戶

春來閉戶寂寥中
偃仰從無俗客通
一派鳥聲如水調
幾番花信是溪風
徧延蒼蘚階痕綠
久瘞丹砂井脉紅
得喪萬端俱不問
鈍翁略與塞翁同

贈林吉人

聽話閩中事溪山宛目前
雨過扞蠟樹潮至種墾田
絳荔蒸炎日紅蕉映雪天
何當攜手去選勝結茆椽

梅花二首時寓城中

不問南枝與北枝橫斜踈影遶茆茨
山翁要撲花開信先報籃輿竹杖知

槩几雲屏衛病骸懶扶游屐步蒼苔
年前豫與園丁約直待緗梅放後來

倚杖

倚杖斜陽外炎蒸頓覺醒
草頭跳蚱蜢水面點蜻蛉
雨過柳猶潤雲歸山更青
忻無襪襪客蓬戶不須扃

東周覲侯索橘二首

離離佳實繞庭除知爾新諳種樹書
不得經霜三百顆枉教渴死病相如

無物能怡病後情
經年高卧守柴荆
如聞陸吉親投謁
一笑猶堪倒屣迎

聽松堂三首

歲寒猶自着青蔥
校取羣芳迥不同
但值微風傳遠響
何妨寫入頌琴中

青蒼鱗甲最森森
搖動薰風弄夕陰
賴得主人常抱膝
與渠對作卧龍吟

多少岡松接墓田
何時攜我一攀緣
期君共揀修枝上
結箇雲巢學地仙

贈喬石林三首

千古文章自有真
波瀾如此不無神
老夫今夜掀髯笑
垂死纔能見替人

杯闌燭跋月將中
細與論文興不窮
從此兒曹爭企脚
瓣香遙指

射陂東

輕薄為文哂未休典刑何意近韓歐縱饒前輩風流在也放斯人
出一頭

題侯大年畫冊二首

翩然拂袞別文知歸趁清陰翠靄時回首長安應拊手笑他鳩集
鳳皇池

桐花竹翠迥無塵位置琴書絕可人他日輕颿定相訪媼君燒筍
煮溪鱗

獨坐題齋壁二首

黃鸝紫燕報殘春芍藥醠醠各鬪新喚起少年京洛夢一簾花氣
最撩人

五色戎葵明似錦重臺丹若爛如霞柴門無人日卓午惟有蜂聲
喧落花

對食戲作二首

細枝囊貫欠萬錢終朝素食亦欣然已防拗折葫蘆項仍戒裂殘
環餅綠

玉延粉可澀飮飮槐葉湯堪潑冷淘晚食只須如此足免將口腹
累兒曹

示林吉人顧有典

脚疾春來枝行游頗不難花繁蜂釀熟風暖燕泥乾嫩葦形如織
芳茶味勝蘭諸君知愛否為我小盤桓

與林吉人沈漢亭出游

意行若箇衛衰翁短杖全勝五尺童鵲語乍喧徵霽色柳條微動
覺和風云云水自鞦紋縐澹澹山如着嫵工馮仗丹青最高手拈
來并入畫圖中

贈相士

唐許遺言果否真贈君新訣始通神相逢莫話鳶肩好鼠目麤頭
是貴人

看花二首

徧覓桃栽與柳栽主人慙媿鬢毛衰情知不得多年翫且要花前
笑口開

筍臠芹羹味最甜瓦盆頻放濁醪添醉顛也要裝風景亂插繅花
壓帽檐

讀筠廊偶筆

知君誠作者游戲集毫端糖蟹誠堪議甘蕉亦可彈解頤多異論
寓目得奇觀好述韜軒志他時佐史官

自題小像五首

恥與時賢角異同暮年聊爾隱墻東中朝故舊消磨盡留得癡頑
是此翁

只工掃地與焚香
傲空齋意味長
膝下兩男雖解事
斷無一箇得翁狂

人情穴底爭羶蟻
交道燈前撲燄蛾
莫恠杜門常謝客
老來更事比君多

架上故書常廢讀
牀頭濁釀亦慵嘗
欲知此老不凡處
飽享梧窗午蔭涼

餘生修短都安命
有子賢愚亦去心
卜塚治棺今竝了
何妨與俗暫浮沉

送方外吳枚臣北上

布囊羞澀毳裘寒
苦雨盲風道路難
長柄葫蘆誰識得
未須攜種入長安

能將道術炫人無
愛曳長裾走帝都
持訣只持襖斗訣
製符先製避兵符

乞花場雜咏六首

藥裹方書信手拈，比來貧病兩相兼。
入春十日春寒甚，開徧茶梅不捲簾。

石子岡頭惠風乞，花場上午天。
融蘿蕪綠遍，棠梨謝春在鳴鳩。
穀穀中

麥餬杏粥已登盤，小雨迷濛濕藥欄。
縫得夾衫元未着，陰陰楊柳弄春寒。

紙屏新潔竹林清，企腳科頭聽曉鶯。
幸甚款門無俗客，山翁不擬着靴迎。

柴門雖設鎮常關，久滯繩牀藥鼎間。
剩喜今朝有奇事，鈍翁曳杖過前山。

紅橋朱塔夾谿山，小立斜陽未擬還。
等是暮年開七袞，時流應讓此翁閒。

子病不說飲屢辱有典丙文漢亭見顧相對竟日惟豆羹菜
飯而已戲作一首

夫子何為者家依西郭西好花無數發幽鳥不多啼茶具童能設
棋奩手自攜諸君共清坐未羨醉如泥

題齋居壁

一任人間輾轉忙先生晨夕守丹房茅魁黃獨俱珍饌漆葉青粘
亦祕方隱几只期心寂靜杜門粗覺日舒長讀書博籥都非是優
劣何煩細校量

與客談有感二首

黨部聲名久屬虛雨雲翻覆太紛如幸然不入平津閣賴有江都
老仲舒

人心幻似都盧伎世路危於黯黹灘曾次從來天樣濶任他非意
巧相干

題張子成九汎月樓三首

山繚顏垣水遶門
朦朦初月照黃昏
松風不起行人定
唯有鐘聲度范邨

樵歌隱隱下青蒼
又聽漁榔出夕陽
一段紅蕖明似錦
隔花驚起兩鴛鴦

煙靄蒼蒼漸入無
參差喬木接平蕪
如何倩得關荆筆
寫箇橫峯遠浦圖

秋日寓歎

輕雲閣雨不成絲
澹澹斜陽隱半規
蕪綠柳黃極杳赤
秋光恰到盡頭時

秋日雜賦三首

衰容羸骨況經秋
歎息年華不少留
拒客故應捐麈尾
挾書猶可辨蠅頭
萎黃敗葉填荒徑
淺碧踈花蔓小丘
桃竹杖堅駝褐暖
不

妨行藥下層樓

一秋花月最清妍曲徑修廊別有天
小設胡牀來月下略攜蠻榼
到花前畏人久作驚弓雁避俗
今同翳葉蟬女嫁男昏吾事了
只將丘壑餞華顛

未疾逢寒小覺蘓出門猶要倩人扶
林端木落山容瘦天半雲歸
塔影孤對語小鳩穿窬翳羣飛
賓雁上虛無嬾勃宰君休笑擬
為黃花過酒壚

聞諸店菊
花方盛

刪校堯峯詩文鈔了有感

紛紛輕薄共沉淪力障狂流仗一身
舉世豈容無定論異時方解
憶斯人文章自可讓餘子學術
要須趨大醇燈火青熒人跡絕
夜窗獨與聖賢親

康熙辛未六月初九日寫十七日再校於長水寓館

堯峯文鈔卷十終